

Siunnersuummut nassuiaatit**Nalinginnaasumik nassuiaatit****1. Aallaqqasiut**

Kalaallit Nunaat Danmark Europamilu nunat naalagaaffeqatigiiffianni (EU-mi) nunat allat assigalugit 1980-imiilli aasaanerani nalunaaqutaqartarsimavoq. Siusinnerusukkuttaaq – 1948-mi 1949-mi – Landsrådit aalajangernerat malillugu Kalaallit Nunaanni aasaanerani nalunaaqutaqarsimavoq.

Aasaanerani nalunaaqutaq tassaavoq piffissap ullup unnuallu aallartittarfiata ukiup ilaani piffissami aalajangersimasumi nalinginnaasumik piffissap naatsorsorneqartarneranut sanilliullugu nalunaaquttap akunneranik ataatsimik nikisinneqartarnera.

Aasaanerani nalunaaqutaq pillugu Kalaallit Nunaannut inatsimmi nr. 817, 19. december 1989-imeersumi Kalaallit Nunaata Kalaallit Nunaanni aasaanerani nalunaaquttamik atuutsitsilernissamut pisinnaatitaaneq tiguaa. Pisinnaatitaaneq taanna Aasaanerani nalunaaquttap atorneqarnera pillugu Inatsisartut inatsisaanni nr. 14-imi, 19. oktober 1989-meersumi atorneqarpoq.

Aasaanerani nalunaaquttap atorneqarnera pillugu Inatsisartut inatsisaat 2023-mi Nalunaaquttap aalajangersarneqarnera pillugu Inatsisartut inatsisaatigut nr. 31-kkut 25. november 2022-meersukkut atuukkunnaarsinneqarpoq, aasaaneranili nalunaaqutaq pillugit malittarisassanik Naalakkersuisut aalajangersaasinnaanerannik piginnaatitsissut Inatsisartut inatsisaanni ingerlateqqinnejarluni, taamalu suli atuulluni.

Siusinnerusukkut aasaanerani nalunaaquttap atorunnaarsinnissaanik suliniuteqarnissaq kissaatigineqarsimavoq, kingullermik 2019-imi upernaakkut ataatsimiinnermi immikkoortoq 55 "Aasakkut nalunaaquttap atorunnaarsinnissaa suliniutigeqquillugu Naalakkersuisut peqquneqarnissaannik Inatsisartut aalajangiiffisassaattut siunnersuut" aqqtigalugu. Siunnersuut akuerineqarpoq, kisianni suli piviusunngortinneqanngilaq. Inatsisartut aalajangiinerannut EU-mi (European Union) aasaanerani nalunaaquttap atorunnaarsinneqarnissaata apeqqutaatinneqarnera tamatumani pissutaavoq. EU-mi aasaanerani nalunaaqutaq suli atorunnaarsinneqanngilaq.

Nalunaaquttap aalajangersarneqarnera pillugu Inatsisartut inatsisaat 25. november 2022-imi atuutilerpoq.

Inatsisartut inatsisaata Kalaallit Nunaata annersaata nalunaaquttat ingerlaqtigiiffiannit UTC-3-mit UTC-2-mut ikaarsaariarnera malitsigaa. Taamaalilluni nalunaaqutaq akunnermik

ataatsimik siuartinneqarpoq. Nalunaaqutaq taamaalilluni ullup ilaani 12.00-iusimagaluarluni 13.00-inngorpoq.

Ittoqqortoormiit nalunaaquattat ingerlaqtigifiannit UTC-1-imiit UTC-2-mut ikaarsaariarpoq, taamaalillunilu nalunaaqutaq akunnermik ataatsimik kinguartinneqarluni. Nalunaaqutaq taamaalilluni ullup ilaani 12.00-iusimagaluarluni nal. 11.00-inngorpoq. Inatsisartut inatsisaata taamaalilluni malitsigaa Ittoqqortoormiit nalunaaquattat ingerlaqtigifiannut, Danmarkshavn aamma Pituffik Space Base suli immikkut ingerlaqtigifeqartut eqqaassanngikkaanni, Kalaallit Nunaata sinneranut atuuttumut ikaarsaariarmat.

Tamatuma kingorna paasinarsivoq innuttaasut amerlasuut nalunaaquattat ingerlaqtigifiatt nutaaq ajornartorsiuteqarfiusut misigisaraat.

Ukioq manna apriliimi sapaatit akunnerisa marluk ingerlaneranni inuit atsiornerinik katersisoqarpoq tassanilu inuit 2.700-it missaasa nalunaaquattat ingerlaqtigifiannut UTC-3-mut (tassa nalunaaquattat ingerlaqtigifiannut siusinnerusukkut Kalaallit Nunaata annersaanut atuuttumut) ikaarsaariarnissaq, taamatullu aamma aasaanerani nalunaaquattap atorunnaarsinnejarnissaa taperserlugu.

Inatsisartut inatsisaata allanngortinneqarneranik Inatsisartut inatsisissaattut siunnersuutip kissaat tamanna naammassivaa.

Innutaasut kissaataat nalunaaquattallu ingerlaqtigifiannik nutaamik misilitakkat tunngavigalugit taamaalilluni aasaanerani nalunaaquataqartarnermik aaqqissuussinerup atorunnaarsinnejarnissaa taamatullu aamma nalunaaquattat ingerlaqtigifiannut UTC-3-mut ikaarsaariarnissaq siunnersuutigineqarput – taamaattorli nalunaarusiornikkut Naalakkersuisut periarfissaqartillugit sumiiffit aalajangersimasut (tamatumani ass. Danmarkshavn aamma Pituffik Space Base) eqqarsaatigalugit taakku nalunaaquattat ingerlaqtigifiannik allamik malinnissinnaanissaannut.

2. Siunnersummi immikkoortut pingaarerit

2.1. Aasaanerani nalunaaquattap atorunnaarsinnejarnera

A) Inatsisiliorerit atuuttut

Nalunaaquattap aalajangersarneqarnera pillugu Inatsisartut inatsisaanni nr. 31-mi 22. november 2022-meersumi §1-imi immikkoortut pingajuanni Naalakkersuisut piginnaatinneqarput aasaanerani nalunaaquataq pillugu malittarisassanik aalajangersaanissaminut.

Aalajangersagaq taanna tunngavigalugu Aasaanerani nalunaaquataq pillugu Namminersorlutik Oqartussat nalunaarutaat nr. 15, 27. marts 2024-meersoq Naalakkersuisut atulersippaat.

Nalunaarummi aalajangersarneqarpoq aasaanerani nalunaaqutaq marsip qaammataani sapaat kingulleq UTC+0 nalunaaqutaa malillugu nal. 01.00 aallartissasoq (tassa Kalaallit Nunaannut nalunaaqutaq nalinginnaasoq UTC-2 malillugu marsip qaammataani arfininngornermi kingullermi nal. 23.00. Aasaanerani nalunaaquttap aallartinnerani nalunaaqutaq nalunaaquttap akunneranik ataatsimik siuartinneqassaaq, nalunaaqutaq arfininngornermi nal. 23.00-imiit sapaammi nal. 00.00-imut nikisinneqarluni.

Aasaanerani nalunaaqutaq oktobarip qaammataani sapaat kingulleq UTC +0 nalunaaqutaa malillugu nal. 01.00 atuukkunnaassaaq (Kalaallit Nunaanni aasaanerani nalunaaqutaq malillugu 00.00). Aasaanerani nalunaaquttap atuukkunnaarnerani nalunaaqutaq nalunaaquttap akunneranik ataatsimik kinguartinneqassaaq nalunaaqutaq sapaammit nal. 00.00-miit arfininngornermut nal. 23.00-mut nikisinneqarluni.

Nalunaarut Danmarkshavnimut Pituffik Space Base-imullu atuutinngilaq. Danmarkshavn aamma Pituffik Space Base eqqarsaatigalugit Danmarkshavnimi aamma Pituffimmi (Thule Air Base) nalunaaquttap ingiaqtigiffianik aalajangersagaq aammalu aasaanerani nalunaaquttap atuusinnaanera pillugit Namminersorlutik Oqartussat nalunaarutaat atuuppoq. Nalunaarummi § 1-imi Danmarkshavn eqqarsaatigalugu aasaanerani nalunaaqutaq atorneqassanersoq taamaassappallu qaqgu naalagaaffimmi oqartussanut attuumassutilinnut aalajangigassanngortinnejqarpoq. Aalajangersakkami § 2-mi Thule Air Base (ullumikkut Pituffik Space Base) eqqarsaatigalugu USA-mi oqartussat taamaaqataanik piginnaatinneqarput.

B) Siunnersuuteqartup isumaliutai

Aasaanerani nalunaaquttamik nikisitsisarnermik aaqqissuussinerit siullit Europami nunani assigiinngitsuni 1916-imi atuilersinneqarput. Taamani sorsunnersuup siulliup kingornatigut ikummatissamik amigaateqarnerup nassataanik nukissamik sipaaruteqarnissaq siunertaasimavoq. Aasaaneranili nalunaaquttamik nikisitsisarnermik aaqqissuussineq ikummatissamik amigaateqarnerup qaangiukkiartornera ilutigalugu atorneerukkiartulertorpoq. Sorsunnersuup kingulliup kingorna aamma taamatut pisoqaqqippoq, kiisalu 70-ikkunni ikummatissamik amigaateqalernermi atorneqaqqilerluni – 70-ikkulli qaangiutereersut aasaanerani nalunaaquttamik nikisitsisarnermik aaqqissuussineq attatiinnarneqarluni.

EU aasaanerani nalunaaqutgap nikisinneqartarneranut 1996-imi assigiissaarivoq, taamaalilluni aasaanerani nalunaaquttamik nikisitsisarneq nunani EU-mut ilaasortaasuni tamani ataatsikkut piffissamilu assigiissumi pisalerluni.

Ullumikkut nunarsuaq tamakkerlugu nunat 70-it missaanniittut aasaanerani nalunaaqutaqartitsisarnermik aaqqissuussinermik atuisuupput.

Aasaanerani nalunaaqutgap nikisinneqartarnerata eqqunneqarneranut pissutaavoq ullup qaamarngata unnuup tungaanut sapinngisamik atorluarneqarnissaa.

Ullumikkulli aasaanerani nalunaaquttamik nikisitsisarnerup, nukissanik sipaaruteqarnissaq eqqarsaatigalugu, sunniutai killeqalernikuupput, tamanna innaallagiaq ullumikkut qaammaqqusersornermut atorneqartoq qangaanerusumut sanilliullugu annikinnerummat. Pærít sipaarniutit kiisalu LED atorlugu qaammaqqusersuinerit allat siaruaasimancerisa innaallagissamik atuineq malunnaatilimmik annikillisissimavaat, qaammaqqusersuinerlu innaallagissamik atuinermut tamarmiusumut ilanngartuutaavallaarunnaarsimalluni.

Aaqqissuussinerup Danmarkimi innaallagissamik ukiumut atuineq, DONG Energy'p uuttortagai malillugit, taamaallaat procentip ataatsip missaanik appartittarpaa. Ilisimasat naapertorlugit aaqqissuussinerup nunami maani qanoq annertutigisumik nukissanik sipaaruteqaataatiginera qulaajarniarlugu misissuisoqarsimanngilaq.

Aasaanerani nalunaaqutaqarnerup sunniutaasa minnerulerterat peqatigalugu ajoqutaasut tappiffingeqarnerulernikuupput. Ukiut kingullit ingerlanerini ilisimatuut misissuinerisa takutippaat nalunaaquttamik nikitsisarneq peqqinnissamut ajoqutaasoq. Sunniutit taakku sininnerup akornuserneqarneranik timillu pissusilersorneranik allannguinermik aallaaveqarnerat ilimagineqarpoq. Aasaaneranut ikaarsaarnerup kingunerit pillugit misissuinerit tamarmiunngillat assortorneqarsinnaanngitsumik takutitsisut, misissuinerillu ilaat assortuussutaapput.

Aasaanerani nalunaaqutaqartitsisarnermik aaqqissuussinerit innuttaasut akornanni annertuumik nuannarineqarneq ajornerat taamatuttaaq erseqqippoq. EU-kommissioni assersuutigalugit 2018-imi tamanut ammasumik aasaanerani nalunaaqutaqartitsisarnermik aaqqissuussineq pillugu tusarniaatitsivoq. Akissuteqartunit katillugit 4,6 mio.-iusunit 84%-iisa aaqqissuussinerup atorunnaarsinneqarnissaa kissaatigaat. USA-mi 2022-mi isumasiuinerup (Monmouth University Poll) takutippaa isumasiorneqartut 61%-iisa atorunnaarsinneqarnissaanut isumaqataasut.

Aasaanerani nalunaaqutaqartarnerup atorunnaarsinneqarnissaanik siusinnerusukkut aalajangiiffigisassatut siunnersuutaasarsimasunut (UKA 2016/88 aamma UPA 2019/55) akissuteqaatigisarsimasaminni Naalakkersuisut uparuarpaat aasaanerani nalunaaqutaq Europa tamarluinnaat Amerikamilu avannarlermi atorneqarmat oqaatigalugu Naalakkersuisut isumaqarmata ataatsimut suut tamaasa isigalugit pissusissamisoornerusoq nunarpassuarni Kalaallit Nunaanni innuttaasut, inuussutissarsiortut oqartussallu ulluinnarni attaveqarfigisartagaanni aasaanerani nalunaaquttap atorneqarnera malikkaanni.

EU-p inatsisartuisa 2019-imi marsimi ukiuunerani aasaaneranilu nalunaaqutaqartarnerit ukiumoortumik nikisinneqartarnerata atorunnaarsinneqarnissaannik EU-kommissionimit siunnersuut akueraat. Siunnersuulli naammassineqarsinnaassappat EU-p ministerrådiata siunnersummik ilaliinissaa piumasaqataavoq, tamannalu suli pisimanani.

Aasaanerani nalunaaquttamik nikisitsisarnermik aaqqissuussaq atorunnaarsinnejassappat, ukiuunerani nalunaaquttap imaluunniit aasaanerani nalunaaquttap najoqquitatut atorneqarnissaq pillugu nunat ilaasortasut isumaqatigiissuteqarnissaat ministerrådimit kissaatiginartinneqarpoq. Nunat ilaasa ukiuunerani nalunaaquttamik najoqquitatut malinninnissaq toqqarpassuk allallu aasaanerani nalunaaquttamik najoqquitatut malinninnissaq toqqarpassuk, EU-mi nalunaaquttap ingerlaqatigiiffii marlunnik ilaratarsinnaapput. EU-mi nalunaaquttap ingerlaqatigiiffii ullumikkut pingasuupput. Tamanna nunat akornanni killiligaannngitsumik niueqatigiinnermik ajornakusuulersitsissaq. Maannakkutullu isikkoqartillugu nalunaaquttamik ataatsimoorussamik najoqquaqarnissaq isumaqatigiinngiffiuvoq.

UKA2019/55-ip oqaluuserineqarnerani aasaanerani nalunaaquttap atorunnaarsinnejarnissa Inatsisartut ilalerpaat, naatsorsuutigaluguli EU-p aamma aasaaneranik nalunaaquttamik atorunnaarsitsinissa. Tamannali suli naammassineqarsimangilaq naammassiniarneqarneralu sivisoorujussuusinnaalluni.

Tamanna tunngavigalugu siunnersuuteqartup nalilerpaa EU-mi aalajangiisoqarnissaanik Kalaallit Nunaata suli utaqqinissa isumaqanngitsoq – mannu piffissangortoq aasaanerani nalunaaqutaqartitsisarnermik aaqqissuussinerup ajoqutaasa pitsaaqutaanit annertunerunerat piissutigalugu allanngortinnejarnissaanut.

C) Siunnersuut

Siunnersuutigineqarpoq Naalakkersuisut aasaanerani nalunaaqutaq pillugu malittarisassanik aalajangersasinnaanermut piginnaatitaanerat atuuttoq killinerneqassasoq taamaallaat Danmarkshavnimut Pituffik Space Base-imullu atuuttussanngorlugu, taamatullu aamma aasaanerani nalunaaqutaq pillugu nalunaarut atuuttoq (Namminersorlutik Oqartussat nalunaarutaat nr. 15, 27. marts 2024-meersoq) atuukkunnaarsinnejassasoq.

Piginnaatitsissutikkut siunnersuutigineqartukkut Danmarkshavn aamma Pituffik Space Base eqqarsaatigalugit aasaanerani nalunaaqutaqartitsisarnermik aaqqissuussineq Danmarkshavnimi aamma Pituffimmi (Thule Air Base) nalunaaquttap ingiaqatigiiffianik aalajangersagaq aammalu aasaanerani nalunaaquttap atuusinnaanera pillugit Namminersorlutik Oqartussat nalunaarutaanni nr. 8-mi, 24. marts 2023-meersumi aalajangersarneqarsimasoq Naalakkersuisut attatiinnarsinnaassavaat.

Kalaallit Nunaanni sumiiffiit allat eqqarsaatigalugit siunnersuutip malitsigissavaa ulloq 27. oktober 2024, nal. 24.00 atuutilersumik aasanerani nalunaaquttap atorunnaarsinnejarnera.

Kalaallit Nunaannut aasaanerani nalunaaquttap atorunnaarsinnejarnera ukiut tamaasa piffissami marsimi sapaatip kingulliup aamma oktobarimi sapaatip kingulliup akornanni EU suli aasaanerani nalunaaqutaqartitsinermik aaqqissuussisoqarsimatillugu Kalaallit Nunaata

EU-milu nunat (Danmark ilanngullugu) akornanni piffissat assigiinnginnerat nalunaaquttap akunneranik ataatsimik sivitsussaaq.

2.2. Nalunaaquttat ingerlaqatigiiffiannut nutaamut ikaarsaariarneq

A) Inatsisiliornerit atuuttut

Nalunaaquttap aalajangersarneqarnera pillugu Inatsisartut inatsisaanni nr. 31-mi 25. November 2022-meersumi § 1, imm. 1-imik aalajangersarneqarpoq Kalaallit Nunaannut nalunaaquttamut nalinginnaasumut nalunaaquttamut malitassaq aamma nalunaaquttat ingerlaqatigiiffiat UTC -2 malinnejartoq.

Inatsisartulli inatsisaanni § 1, imm. 2-mi Naalakkersuisut piginnaatinneqarput sumiiffinni erseqqinnerusumik allanneqartuni nalunaaquttat ingerlaqatigiiffiat alla malinnejassasoq pillugu maleruagassanik aalajangersaasinnaanerminnut.

Aalajangersagaq taanna tunngavigalugu Naalakkersuisut

Aalajangersagaq taanna tunngavigalugu Naalakkersuisut Danmarkshavnimi aamma Pituffimmi (Thule Air Base) nalunaaquttap ingiaqatigiiffianik aalajangersagaq aammalu aasaanerani nalunaaquttap atuusinnaanera pilligit Namminersorlutik Oqartussat nalunaarutaat nr. 8, 24. marts 2023-meersoq atuutilersissimavaat. Nalunaarummi § 1-imik Danmarkshavn eqqarsaatigalugu nalunaaquttat ingerlaqatigiiffiata aalajangersarneqarnissaanut naalagaaffimmi oqartussat susasaqartut aalajangersaanissaminut piginnaatinneqarput nalunaarummi § 2-mi Thule Air Base (ullumikkut Pituffik Space Base) eqqarsaatigalugu USA-mi oqartussat taamaaqataanik piginnaatinneqartut.

Tamanna naapertorlugu Danmarkshavnip nalunaaquttat ingerlaqatigiiffiat UTC+0 malippaa Pituffik Space Base-ip nalunaaquttat ingerlaqatigiiffiat UTC-4 malikkaa.

Kalaallit Nunaanni sumiiffiit allat tamarmik – taakkununnga Ittoqqortoormiit, siusinnerusukkut nalunaaquttat ingerlaqatigiiffianik namminerisamik malitaqarsimasoq, aamma ilanngullugit – ullumikkut nalunaaquttat ingerlaqatigiiffiannut UTC-2-mut ilaapput.

B) Siunnersuuteqartup isumaliutai

Kalaallit Nunaat ulloq 25. marts 2023, nal. 22.00 nalunaaquttat ingerlaqatigiiffiannut UTC-2-mut ikaarsaariarpoq. Tamanna Kalaallit Nunaanni nalunaaquttap nalinginnaasup nalunaaquttap akunneranik ataatsimik siuartinneqarneranik kinguneqarpoq.

Kalaallit Nunaat taamaalilluni nalunaaquttat ingerlaqatigiiffii eqqarsaatigalugit Amerikap avannarliup kangimut sineriaata Europallu kimmuit sineriaata akornanni qiterpiaanni inissismavoq sumiiffinnut pineqartunut tamanut piffissap assigiinngissutaa nalunaaquttap akunneri pingasuullutik.

Tamanna pivoq piffissap aalajangersarneqartarnera pillugu Inatsisartut inatsissaannut Naalakkersuisut siunnersuutaata (UKA 2022/17) Inatsisartunit akuersissutigineqarneratigut Nalunaaquttat ingerlaqtigiiffiannut UTC-2-mut ikaarsaariarnissamut Naalakkersuisut siunnersuuteqarnerannut suna tunuliaqtaanersoq piareersaataasuni takujuminaappoq. Naalakkersuisulli inatsisisatut siunnersuummik saqqummiussisumminni erseqqissarpaat siunnersuutip inuussutissarsiornermut, minnerunngitsumik silaannakkut angallannermut, aningaasaqarnikkut pitsaasumik kinguneqarnissaat naatsorsuutigineqartoq.

Inatsisisatut siunnersuummut nalinginnaasumik nassuaatini Naalakkersuisut paasissutissiissutigivaat siunnersuutip innuttaasunut innuttaasulluunniit peqqissusianut kinguneqarnissaat naatsorsuutigineqanngitsoq.

Islandimi peqqissutsimut ministeriaqarfiup ataani suleqatigiissitap taamaalilluni 2018-imi inerniliuppaa Islandimi nalunaaquttat ingerlaqtigiiffiata piffissallu seqinnerfiusartut assigiinnginnerisa napparsimalersinnaaneq annertusisittaraa, meeqqat atuartut ilikkagaqarsinnaanerat ajornerulersittaraa, taamatullu aamma minnerunngitsumik meeqqat inuusuttullu akornanni nanertisimanermik qasunermillu eqqorneqarsinnaaneq annertunerulersittarlugu.

Nalunaaquttat ingerlaqtigiiffiannut UTC-2-mut Kalaallit Nunaata ikaarsaariarnerata kingorna paasinarsisimavoq innuttaasut ikigisassaangitsut nalunaaquttat ingerlaqtigiiffiat nutaaq ajornartorsiutitut misigisimagaat.

Ukioq manna aprilimi sapaatit akunnerisa marluk ingerlaneranni inuit atsiornernik katersisoqarpoq tassanilu inuit 2.700-it missaasa nalunaaquttat ingerlaqtigiiffiannut UTC-3-mut (tassa nalunaaquttat ingerlaqtigiiffiannut siusinnerusukkut Kalaallit Nunaata annersaanut atuuttumut) ikaarsaariarnissaq, taamatullu aamma aasaanerani nalunaaquttap atorunnaarsinneqarnissaat taperserlugu.

Atsiornernik katersuisitsinerup tusagassiorfinnit allaaserineqartarneranut atatillugu atuarneqarsinnaavoq nalunaaquttat ingerlaqtigiiffiata allanngortinneqarnera arlallit meeqqaminnut sunniuteqarsimasoq misigisarsimagaat, tassa meeqqat unnuukut sininniarnerminnik ullaakkullu makinniarnerminnik atuariartornissaminnillu ajornartorsiuteqartarsimammata. Taamatutaaq atuarneqarsinnaasimavoq Kalaallit Nunaata Avannaani aalisartorpassuit piniartorpassuillu piniariarnissaminnut seqerngup nuinissaa utaqqikatattarsimagaat. Akerlianik nalunaaquttat ingerlaqtigiiffiat maanna atuuttoq aammalu ualikkut unnukkullu akunnerit qaamarngannik amerlanernik silamilu sammisaqarnermut atorneqarsinnaasunik nassataqartoq timersortartunit iluarisimaarneqartoq tusagassiorfitsigut aamma allaaserineqarpoq.

Nalunaaquttat ingerlaqtigiiffiat maanna atuuttoq inuussutissarsiorputunut iluaqtissartaqartoq iluaqtissartaalu taakku inuussutissarsiorput ilaaannut pingaaruteqartut siunnersummi matuminnga tusarniaanermi akissutit uppernarsarpaa. Siunnersuuteqartorli isumaqarpoq akornutit innuttaasunit amerlasoorpassuarnit misigineqartut isiginiarneqanngitsoorneqarsinnaanngitsut. Inuussutissarsiorput soqtigisaat sallitinniarneqartariaqarput, tamannali nunami innuttaasut pilliutigalugit pinngisaannartariaqarluni.

Misilittagaalersimasut taamaalillutik nalunaaquttat ingerlaqtigiiffiannut UTC -3-mut uternissaq oqariartuutigaat.

C) Siunnersuut

Siunnersummi aalajangersarneqarpoq nalunaaquttamut malitassaq aammalu nalunaaquttap ingerlaqtigiiffia sorleq Kalaallit Nunaanni malinnejassanersoq. Siunnersummi siunnersuutigineqarpoq nalunaaquttamut malitassaq tassaassasoq UTC, aammalu nalunaaquttamut nalinginnaasumut nalunaaquttap ingerlaqtigiiffia UTC -3 malinnejassasoq.

Kalaallit Nunaanni ullumikkut nalunaaquttap ingerlaqtigiiffia UTC -2 malinnejarpoq. Taamaalilluni siunnersummi siunnersuutigineqarpoq Kalaallit Nunaanni nalunaaqutaq nalinginnaasoq nalunaaquttap akunneranik ataatsimik kinguartinneqassasoq.

Taamaalilluni seqineq Kalaallit Nunaata Kitaani nal. 12 missaani qutsinnerpaaffiminissaq – kisiannili Tunumiunngitsoq Qaanaamiinngitsorlu. Ittoqqortoormiini seqineq nal. 10 missaani qutsinnerpaaffiminissaq, Tasiilami nal. 11 missaani Qaanaamilu nal. 14 missaani qutsinnerpaaffiminissaq.

Ullumikkut Kalaallit Nunaata Islandillu, Savalimmiut aamma Kunngesarfik Tuluit Nunaat aamma Irland Avannarleq akornanni nalunaaqutaq nalunaaquttap akunnerinik marlunnik nikingassuteqarpoq. Kalaallit Nunaat aamma Danmarkip, Norgep, Sverigep, Tysklandip allallu Europap kitaaniittut akornanni nalunaaqutaq nalunaaquttap akunnerinik sisamanik nikingassuteqarpoq. Aammalu Kalaallit Nunaata aamma Grækenlandip, Bulgariaip aamma Rumænien akornanni nalunaaquttap akunnerinik tallimanik nikingassuteqarluni. Nalunaaquttap ingiaqtigiiffiat, siunnersummi siunnersuutigineqartutut. UTC-3-mut nikisikkaanni, tassani nalunaaquttap nikingassutaa nalunaaquttap akunneranik ataatsimik sivikillissaaq.

Amerikap avannarliup kangiata sineriaani, soorlu assersuutigalugu Iqaluit, Quebec, Toronto, Boston, New York, Washington D.C. aamma Miami, nalunaaquttap ingerlaqtigiiffiani UTC-5-imiippoq. Ullumikkut Kalaallit Nunaata Amerikallu avannarliup kangiata akornanni nalunaaquttat akunnerinik pingasunik nikingapput. Siunnersuutigineqartutut Kalaallit Nunaat nalunaaquttat ingerlaqtigiiffiannut UTC-3-mut ikaarsaariassappat tamatumani piffissat nikinganerit nalunaaquttap akunneranik ataatsimik sivikillineqassaaq.

Siunnersuummi aamma siunnerfigineqarpoq, Kalaallit Nunaanni sumiiffinni erseqqinnerusumik taaneqartuni allani nalunaaquuttap ingiaqatigiiffiinik, kitaanut naleqqiullugu allanik aalajangersaanissamut Naalakkersuisut piginnaatinneqassasut. Taamaattoq inatsimmi tunngavissaq sumiiffinnut taakkununngaannaq killeqanngilaq, kisianni nalinginnaasumik atorneqarsinnaalluni.

3. Pisortanut aningaasaqarnikkut allaffissornikkullu kingunerisassai

Siunnersuutip pisortanut aningaasaqarnikkut imaluunniit allaffissornikkut annertuumik sunniuteqarnissaa naatsorsuutigineqanngilaq.

Taamaattorli Aningaasaqarnermut Akileraartarnermullu Naalakkersuisoqarfiup tusarniaanermut akissutimini nalilerpaa nalunaaquuttap ingiaqatigiiffianik allannguutip atuutilersinneqarnerata pisariaqalersissagaa IT-mi atortorissaarutit nutarsarnissaannut, pilersaarutit piffissalersukkat aammalu pisortatigoortumik attaveqaqatigiinnerit iluarsinissaannut annertuumik sulisoqartariaqassasoq. Tassunga tunngatillugu suliassap qanoq annertutiginissaa siunnersuuteqartup oqaatigisinnaanngikkallarpaa.

Kommunini aqtsiveqarfiit tusarniaanermut akissutini ilisimatitsissutigaat nalunaaquuttap ingiaqatigiiffiata UTC-3-mut utertinneqarnera nunanut europiamiuusunut, ingammik Danmarkimut suleqatigiinnissamut pinngitsoorneqarsinnaanngitsumut sunniuteqassasoq. Nunani taakkunani oqartussat allaffeqarfiisa ammanerisa nalaanni attaveqarsinnaanermut piffissatigut periarfissap annikillinissaa tamatumunnga peqqutaavoq. Massakkut nalunaaquuttap ingiaqatigiiffianut (UTC-2-mut) nuunnerup suleqatigisartakkanik Kalaallit Nunaata avataaneersunik ataatsimeeqateqartarniartarnerup malunnaatilimmik ajornannginnerulersissimagaa oqaatigineqarpoq, siornatigut ataatsimiinnissamut angumersiniaraanni unnuakkut makittarnissaq pisariaqarnikuugaluartoq. Ineqarnermut Attaveqaasersuutinullu Naalakkersuisoqarfik assinganik naliliivoq.

Kommunini aqtsiveqarfiit paasissutissiissutigivaattaq silaannakkut angallannermi ullormut attaveqaataasartunut periarfissat siunnersuutip annikillisissinnaagai taamaalillunilu angalanermi piffissaq atorneqartoq najugaqarnerlu eqqarsaatigalugit aningaasartuuteqarnerunissamik nassataqarsinnaalluni.

Peqqinnissaq Pillugu Kattuffiit (PPK) tusarniaanermut akissutimini paasissutissiissutigaa nalunaaquuttap ingiaqatigiiffia atuuttoq malillugu Danmarkimi kalaallit peqqissartut angerlarsimaffiata aammalu napparsimaviit Danmarkimiittut suleqatigineqartartut ataatsimoorussamik suleqatigisarnerini piffissaq akunnermik ataatsimik PKK-mi ilaasortanut sivisunerulersitsisimasoq. Ilutigisaanik aaqqissuussap massakkut atuuttup naalagaaffimmi suliatigut avitseqatigiissinnaanermik ilaasortat annertunerusumik periarfissaqalersippai, kiisalu Danmarkimi peqqinnissaqarfimmut attaveqaqateqarnissaq ajornannginnerulersillugu, tamannalu peqqutaalluni nakorsiat ilaannut utaqqineq sivikinnerulersimalluni.

4. Inuussutissarsiortunut aningaasaqarnikkut allaffissornikkullu kingunerisassai

Nalunaaquttap ingiaqtigiffia massakkut atuuttumut (UTC-2) ikaarsarneq inuussutissarsiornermut aningaasaqarnikkut aqtsinikkullu sunniuteqarluarnissaa ilimasuutigineqartoq Naalakkersuisut nalilerpaat. Tamanna tunngavigalugu nalunaaquttap ingiaqtigiffianut (UTC-3-mut) atorunnaarnikumut uteqqinnissamut siunnersummut ikaarsarneq inuussutissarsiornermut aningaasaqarnikkut aqtsinikkullu pitsaanngitsunik sunniuteqarnissaa naatsorsuutigineqassaaq. Taamatut naatsorsuuteqarneq tusarniaanermut akissutit tiguneqartut uppermarsarpaat.

Ingammik Air Greenland pitsaanngitsumik kingunerisinhaasanik eqqugaanissaa naatsorsuutigineqassaaq, takuuk ataani alassimasut.

Aammattaaq nalunaaquttap ingiaqtigiffianik allannguinissamut siunnersuut inuussutissarsiornерup ilaatigut akornuteqarsinnaassasoq oqaatigineqarpoq.

Kalaallit Nunaanni aningaasanik nuussisarnerit annerpaartaat Europamut nuunneqartartut GrønlandsBANKEN-imit paasissutissiissutigineqarpoq, nalunaaquttallu ingiaqtigiffianik allannguinissamut siunnersuutaasup Europami aningaaseriviit matunnginnerini nunatsinni aningaaseriviit taamatut aningaasanut nuussisarnissaat akunnermik ataatsimik sivikinnerulersissagaa. Tamanna aamma Europami aningaasaateqarfiit niueqatigiittarfianni pappilissat nalillit atorlugit niueqatigiittarnermut atuuppoq.

Tamatuma saniatigut GrønlandsBANKEN suleqatigisartakkani Europamiut aqqutigalugit ikiorneqarnissamut neqeroorutinik arlalinnik peqarpoq. Inatsisissatut siunnersuut akuerineqassappat taamatut ikiorneqarnissamut periarfissaq akunnermik ataatsimik sivikinnerulissaaq.

Ilutigisaaniik tusarniaanermut akissutini tiguneqartuni (Sulisitsisut, GrønlandsBANKEN aamma IT-mut tunngasunik suliffeqarfik Modulo ApS) allaqqavoq, nalunaaquttap ingiaqtigiffia allanngoreernikoq massakkut atuuttoq atotorissaarutit piffissamik aqtsinermik atuisartut allanngortinnerinut ingammik IT-mut tunngasunik suliffeqarfinnut aningaaserivinnullu aningaasartuuteqarfioreersut, nalunaaquttallu ingiaqtigiffiannik allanngueqqittoqassappat aamma taamaattoqaqqittussaasoq. Nalunaaquttap aalajangersarneqarnera pillugu Inatsisartut inatsisaanni atuuttumi inatsit pillugu nassuiaatit tunngavigalugit imaluunniit inatsisissatut siunnersummut matumunnga tusarniaanermut akissutit tiguneqartut tunngavigalugit aningaasartuutissat taakkua qanoq annertutigissanersut annerusumik siunnersuuteqartumit oqaatigineqarsinnaasimanngilaq.

Nalunaaquttap ingiaqtigiffianik allannguinissamut siunnersuut ingammik Air Greenlandimut soorlu oqaatigineqareersutut aningaaqarnikkut pitsaanngitsumik kinguneqarnissaa naatsorsuutigineqassaaq.

Nalunaaquttap ingiaqtigiiffiini sisamat amerlanerusulluunniit sinnerlugit timmisartuussinermi timmisartumi sulisut qasuersaartarnissaat sivisunerussasoq nunat tamalaat akornanni timmisartuussisarneq pillugu malittarisassaat tunngaviupput. Taamaattumik nalunaaquttap ingiaqtigiiffiini sisamat ataallugit timmisartuussinermi aningaasartuutit annikinnerupput. Nalunaaquttap ingiaqtigiiffiini arlariinni timmisartuussisoqartillugu ilaatigut kinguaattoortoqangaatsiartillugu soorlu assersuutigalugu sila peqqutaalluni kinguaattoornerni qasuersernissamut peqqussut – aammalumi aningaasartuutissat - annerulerterput.

Imarpissuaq qulaallugu timmisartuussisoqarsimatillugu Kalaallit Nunaanni timmisartup orsernissaa inuttallu unnuinissaat aqguanilu timmisartup aallaqqinnissaa nalunaaquttap ingiaqtigiiffiata atuutup (UTC-2) perarfissaalersippai, soorlu aamma timmisartumi inuttat Kalaallit Nunaanni najugaqarsinnaanissaannik perarfissiisoq taamaalillunilu siunissami sulisunik nunaqavissunik amerlanerusunik sulisoqarsinnaalerluni.

Nalunaaquttap ingiaqtigiiffianik allannguinissamut siunnersuutip perarfissaq tamanna atorunnaarseqqissavaa. Tamanna Air Greenlandimut aningaasartuutitiguinnaanngitsoq malitseqartussaavoq kisiannili aamma timmisartuussisarnerat killeqarnerulerissaalluni, taamaattumillu aamma ineriertornissaq annikinnerulissalluni.

Tusarniaanermut akuusut arlallit (ilaatigut Ineqarnermut Attaveqaasersuutinullu Naalakkersuisoqarfik aamma Inuussutissarsiornermut, Niuernermut, Aatsitassanut, Inatsisinik Atuutsitsinermut Naligiissitaanermullu Naalakkersuisoqarfik) tikkuussipput tamanna takornariaqartitsinermut allatut kinguneqarsinnaasoq.

Tamatuma saniatigut Aalisarnermut Piniarnermullu Naalakkersuisoqarfimmit tikkuussisoqarpoq tamanna Danmarkimut Europamullu aalisakkanik uumasunik avammut tunisassiornermut allatut kinguneqarsinnaasoq, soorlu aamma nalunaaquttap nikinganerata annikillineqarnera tamatumunnga iluaqtaanikuusoq oqaatigineqartoq. Ukioq manna misilummik saattussanik suli uumasunik, aalisakkanik suli qerineqanngitsunik aammalu nipisaat suaanik nutaanik Kalaallit Nunaannit avammut timmisartukkut nassiussisoqarpoq, aammalu Air Greenlandimit oqaatigineqarsimasoq aappaagu sapaatip akunneranut 100 tons tikillugit assartuisoqartarsinnaalissasoq. Taamatut naatsorsuuteqarneq ingerlatseqatigiiffiup 2025-imut timmisartuussinissamut pilersaarutaani utaqqiisaasumik tunngaveqarpoq, tassani ingerlatseqatigiiffik nunat tamalaat akornanni Nuummut Nuummiillu sapaatip akunneranut tallimat arfineq-marlullu akornanni amerlatigisunik timmisartuussisarluni. Air Greenlandip tusarniaanermut akisssummini ilisimatitsissutigaa nalunaaquttap ingiaqtigiiffianut UCT-3-mut uteqqittooqassappat taamatut timmisartuussisarnissaq ingerlaannarsinnaanngitsoq.

Air Greenlandimut aningaasatigut kingunerisassai pitsaanngitsut annertunersai tassaapput siunissami qaninnerusumi pisussat, taakkua ullormut atuutilerfissaanut

siunnersuutigineqartumut attuumassuteqartuullutik: Air Greenland 2025-mut timmisartuussinissamut pilersaarummik pisortatigoortumik saqqummiussereernikuovoq. Tamanna tunngavigalugu timmisartuussinissat qanoq amerlatigissanersut pillugu pituttorsimasunik isumaqatigiissusioererpoq billetsinillu tuniniaasoqalereeरluni. Timmisartuussinissamut pilersaarut taanna nalunaaqutaq UTC-3-mut allanngortinnejassappat periarfissaajunnaassaaq.

Taamaattumik nalunaaquttag UTC-3-mut allanngornera Air Greenland naapertorlugu imatut kinguneqassaaq aningaasaatit millionilikkaat atorluarneqarsinnaajunnaassallutik, aammalu Air Greenlandip billetsit tuneriikkat tamarmik taamaatiinnartariaqalissallugit pisisumullu aningaasat utertittariaqalissallugit, tamannalu aamma millionilikkaanut arlalinnik kisitsisitalinnut naleqartussaassalluni, tassani apeqquataalluni nalunaaquttag ingiaqatigiiffanik allannguisoqassappat ulloq atuutilerfissa.

Siunnersuut 2025 kingorna atuutilertussanngortinnejarsinnaappat aningaasaqarnikkut kingunerisassai pitsaanngitsut pinngitsoortinnejarsinnaapput.

Tusarniaanermut akissut pillugu ilanngussaq 2 itisiliitsinissamut innersuussutigineqarpoq.

Tusarniaanermut akissutit tiguneqartut tunngavigalugit aasaanerani nalunaaquttag atorunnaarsinneqarnissaanik siunnersuutip inuussutissarsiortunut pingaarutilinnik ajortunik aningaasaqarnikkut allaffissornikkullu kinguneqarnissaa naatsorsuutigineqanngilaq.

Kalaallit Nunaanni aasaanerani nalunaaquttag atorunnaarsinneqarnerata taamaalilluni ukiut tamaasa piffissami marsimi sapaatip kingulliup aamma oktobarimi sapaatip kingulliup akornanni Kalaallit Nunaata EU-llu akornanni piffissat nikinganerat nalunaaquttag akunneranik ataatsimik annertusisisavaa. Nunat allat aamma aasaanerani nalunaaqutaqfiusartut eqqarsaatigalugit Kalaallit Nunaani aasaanerani nalunaaquttag atorunnaarsinneqarnera taamaatuttaaq ukiup ilaani piffissat assigiinnginnerannut sunniuteqassaaq. Nunarsuarput tamaat eqqarsaatigalugi ullumikkut nunat 70-it missaat aasaanerani immikkut nalunaaqutaqartarput. Naatsorsuutigineqartariaqarpoq nunanik taakkuninnga Kalaallit Nunaata niueqateqarnera nunanullu taakkununnga angallannikkut attaveqarnera piffissami ilaani nalunaaquttag allanngortinnejartarneratigut killilimmik ajornarnerulersinnaassasoq.

Kalaallit Nunaanni nalunaaquttag ingiaqatigiiffia siunnersuutigineqartutut UTC-3-mut allanngortinnejarpat kiisalu aasaanerani nalunaaquttag allanngortarnera atorunnaarsinneqarpat taamaalilluni piffit ilaanni Europamut/Danmarkimut nalunaaqutaq akunnernik tallimanik nikingasalerpat, tamanna Europami aamma Danmarkimi niueqatigiiffiillu suleqatigiinnitsinnut toqqaannartumik akornutaasinnaasoq Sulisitsisunit nalilerneqarpoq.

Danmark nunallu skandinaviamiusuusut europamiusuusullu peqatigalugit ataqatigiissagaanngitsumik aasaanerani nalunaaquattap allanngortinnejartarnera atorunnaarsinneqarpal tamanna Tusassimut pitsaavallaanngitsunik kinguneqarsinnaasoq Tusassimit nalilerneqarpoq. Tassunga atatillugu Tusassimit oqaatigineqarpoq Kalaallit Nunaanni aamma Danmarkimi nalunaaquataq pillugu malittarisassat assigiinngitsut peqqutaallutik nalunaaquattamik aqutsiniarneq ajornarnerulissaq aammalu Tusassip suliniutinik ataqatigiissaarisinnaassusaanut ulluinnarnilu ingerlatsiniarneranut akornutaassasoq.

IT-mut tunngasunik suliffeqarfik Modulo ApS assingusumik oqaaseqarpoq, aasaanerani nalunaaquattap allanngortinnejartarnera atorunnaarpal tamanna pisariaqanngitsumik paatsuungalersitsisinnaasoq nunallu tamalaat akornanni attaveqaatigiinniarnermut ajornarnerulersitsisinnaasoq, taamaattoqassappallu tamanna innuttaasunut suliffeqarfifinnullu nalunaaquattap ingiaqatigiiffiini allaneersuni qanimut suleqateqartartunut sunniuteqassasoq.

Aasaanerani nalunaaquattap allanngortinnejartarnerata atorunnaarsinneqarnissaa pillugu siunnersummut Air Greenland erseqqissumik oqaaseqaateqanngilaq, kisiannili timmisartumi inuttat qasuersertarnissaannut nunat tamalaat akornanni malittarisassani siusinnerusukkut eqqaaneqartuni allaqqasoq aasaanerani nalunaaquattap allanngortinnejartarnera atorunnaassappat tamanna Air Greenlandimut aningaasartuuteqarermik kinguneqassasoq Ineqarnermut Attaveqaasersuutinullu Naalakkersuisoqarfimmit ilisimatitsissutigineqarpoq.

5. Avatangiisinut, pinngortitamut inuillu peqqissusaannut kingunerisassai

Nalunaaquattat ingerlaqatigiiffiannut UTC -2-mut uteqqinnissamut siunnersuutip avatangiisinut pinngortitamullu kinguneqarnissaa naatsorsuutigineqanngilaq.

Innuttaasut peqqissusiat eqqarsaatigalugu nalunaaquattat ingerlaqatigiiffiannut UTC-2-mut uternissamik siunnersuutip pitsasunik kinguneqarsinnaanera naatsorsuutigissallugu pissutissaqarpoq, naak tamakku annikitsuinnaassagunaraluartut.

Islandimi peqqissutsumut ministeriaqarfiup ataani suleqatigiissitap taamaalilluni 2018-imi inerniliuppa Islandimi nalunaaquattat ingerlaqatigiiffiata piffissallu seqinnerfiusartup assigiinnginnerata napparsimalersinnaaneq annertusisittaraa, meeqqat atuartut ilikkagaqarsinnaanerat ajornerulersittaraa, taamatullu aamma minnerunngitsumik meeqqat inuusuttullu akornanni nanertisimanermik qasunermillu eqqorneqarsinnaaneq annertunerulersittarlugu.

Aasaanerani nalunaaquattap atorunnaarsinneqarnissaanik siunnersuut CO2-mik aniatitsinerup annertunerlereratigut avatangiisinut pinngortitanullu ajortumik kinguneqarnissaa, taamaattoqassappalluunniit annikitsuinnaarmik, naatsorsuutigineqanngilaq.

Aasaanerani nalunaaqutaqartitsisarnerup ikummatissamik sipaarniarneq eqqarsaatigalugu sunniutaa taamaalilluni killeqartorujussuartut oqaatigineqartariaqarpoq, ullumikkummi ikummateqarnermut innaallagiaq annikinnerusoq atorneqartarmat, qullit sipaarniutit LED-llu atorneqarnerulersimanerat pissutigalugu.

DONG Energyp 2012-imi nalilerpaa aasaanerani nalunaaqutaqartitsisarnermik aaqqissuussineq Danmarkimi innaallagissamik atuineq eqqarsaatigalugu ukiumut ataatsimut isigalugu procentip ataatsip missaannaanik sipaarutaasartoq. Ilisimasagut malillugit aaqqissuussineq ikummatissamik sipaarniarneq eqqarsaatigalugu Kalaallit Nunaanni ikummatissamik sipaartoqartneranik malitseqarsimanersoq qulaajarniarlugu misissuinernik ingerlatsisoqarsimannilaq. Taamaattorli aasaanerani nalunaaquattap atorunnaarsinnejnarnerata annikikkaluamik innaallagissamik atuinermik annertunerulersitsinissaa naatsorsuutigineqartariaqarpoq.

Tamatumunnga atatillugu aamma oqaatigineqassaaq ullumikkut Kalaallit Nunaanni innaallagissap atorneqartartup 65 %-ia sinnerlugu erngup nukinganit innaallagissiorfinnit CO2-mik aniatitsinngitsunik tunngaveqarmat.

Innuttaasut peqqissusiat eqqarsaatigalugu pissutissaqarpoq naatsorsuutigissallugu aasaanerani nalunaaquattap atorunnaarsinnejnisaanik siunnersuut ajunngitsunik kinguneqarsinnaassasoq, naak immaqa annertunngikkaluartunik.

Ilisimatuussutsikkut misissuinerit assigiinngitsut taamaalillutik takutissimavaat piffissamik nikisitsisarneq peqqissutsikkut artukkerneqarnermik malitseqarsinnaasartoq. Sunniutaasartut tamakkua sinittarnerup akornusersorneqartneranut timittalu ingerlasarnerata allanngortinneqarneranut attuumassuteqarsorinarpuit.

Assersuutigalugu University of Coloradomi ilisimatuut ukiut sisamat ingerlanerini ilisimatusarfigisimavaat aasaanerani aamma ukiunerani nalunaaquattamut ikaarsaarnissaq sioqquttsiarlugu taamatullu ikaarsaarnerup kingunitsiannguaq ataasinngornermi qassit napparsimavimmut unittarnersut. Misissuinermi 2014-meersumi, paasineqarpoq aasaanerani nalunaaquattamut ikaarsaarnerup kingorna ataasinngornikkut 24 procentinik amerlanerusut uummatimikkut ajoquteqalernissaat qaninnerusarsimasoq allanut ataasinngornernut naliginnaasunut naleqqiullugu. Paarlattuanik ukiukkut nalunaaquattamut ikaarsaarnerup kingorna ataasinngornikkut uummallulersartut 21 %-nik ikinnerusarsimapput - tassani ulloq nalunaaquattap akunneranik ataatsimik sivisunerulertarpoq.

Aamma oqaatigisinnaavarput Karolinska Instituttip 2018-mi atugassiami New England Journal of Medicinemi misissuineria saqqummersinnejnqarnikuusooq. Tassani misissuinermi takutinneqarpoq aasakkut nalunaaquattamut ikaarsaarnerup kingorna sapaatip akunnerani siullermi agguaqatigiisillugu 5 procentinik amerlanerusut uummamminni taqarsuarminnik milikartoortarsimasut. Paarlattuanilli ukiukkut nalunaaquattamut ikaarsaarnerup kignorna

ataasinngornerup qaangiunnerani uummamminni taqqamikkut milittoortartut ikisarsimapput. Ataatsimut isigalugu ukiukkut nalunaaquttamut ikaarsaarnerup nalaani ajutoornissaq ungasinnerulaarnera minnerulaarpoq aasaanerani nalunaaquttamut ikaarsaarnerup nalaani ajutoornissamut naleqqiullugu.

Aasaaneranut ikaarsaarnerup kinguneri pillugit misissuinerit tamarmiunngillat assortorneqarsinnaanngitsumik takutitsisut, misissuinerillu ilaat assortuussutaapput.

6. Innuttaasunut kingunerisassai

Inatsisartut inatsisaata ulloq 27. oktober 2024, nal. 24.00 atuutilerneratigut Kalaallit Nunaat ataavartumik ukiuunerani nalunaaqutaqarnermut (nalinginnaasumik nalunaaquttamut) ikaarsaariassaaq peqatigitillugu nalunaaquttat ingerlaqatigiiffiannit UTC-2-mit UTC-3-mut ikaarsaariassalluni.

Nalunaaqutaq taamaattumik ulloq 27. oktober 2024, nal. 24.00 nalunaaquttag akunnerinik marlunnik kinguartinneqartariaqassaaq nal. 22.00-nngorlugu.

Nalunaaquttat ingerlaqatigiiffiannit UTC-2-mit UTC-3-mut ikaarsaariarnissamik siunnersuutikkut, taamatullu aamma aasaanerani nalunaaquttag atorunnaarsinnejarnissaanik siunnersuutikkut – ukioq tamaat ataatsimut isigalugu – ullaakkut ullup qeqqata siorna qaamasarnera annertusissaaq taamaaqataanillu ualikkut unnukkullu qaamasarnera annikillilluni.

Peqqissutsimut Naalakkersuisoqarfuiup siunnersummut matumunnga tusarniaanermi akissummini paasissutissiissutigaa nalunaaquttag akunneri ualikkut/unnukkut qaamaffiusut innuttaasut nalunaaquttag akunneri silami sammisaqarfigisaat annertusissinnaagaat ilisimatusarnerit takutikkaat.

Akerlianik aasaanerani nalunaaquttag atorunnaarsinnejarnissaanik siunnersuutip malitsigissavaa innuttaasut sininniarnikkut ajornartorsiuteqarnerup timittalu ingerlanerata allanngortinnejarnnerata malitsigisaanik aasaanerani ukiuuneranilu (nalinginnaasumik) nalunaaquttaq nikisinneqartarneranik akornusersorneqarunnaarnerat.

7. Kingunerisinnaasai pingaarutillit allat

Siunnersuutip pingaarutilinnik allanik kinguneqarnissaa naatsorsuutigineqanngilaq.

8. Oqartussanik suliniaqatigiiffinnillu il.il. tusarniaaneq

Siunnersuut piffissami 2024-mi 10. julimit 5. augustimut Inatsisartut nittartagaanni tamanut ammasumik tusarniaassutigineqarpoq.

Tamatuma saniatigut uku toqqaannaq siunnersummit nassiuressivigineqarsimapput:

Oqartussat: Naalakkersuisut Siulittaasuata Naalakkersuisoqarfia, Aningaasaqarnermut Akileraartarnermullu Naalakkersuisoqarfik, Inuussutissarsiornermut, Niuernermut, Aatsitassanut, Inatsisinik atuutsitsinermut Naligiissitaanermullu Naalakkersuisoqarfik, Naalagaaffinngornissamut Nunanullu allanut Naalakkersuisoq, Meeqananut Inuusuttunullu Naalakkersuisoqarfik, Ilanniartitaanermut, Kulturimut, Timersornermut Ilageeqarnermullu Naalakkersuisoqarfik, Aalisarnermut Piniarnermullu Naalakkersuisoqarfik, Nunalerinermut, Imminut pilersornermut, Nukissiornermut Avatangiisinullu Naalakkersuisoqarfik, Isumaginninnermut, Ilaqtariinnut, Suliffeqarnermut Nunamullu Namminermut Naalakkersuisoqarfik, Peqqissutsimut Naalakkersuisoqarfik, Ineqarnermut Attaveqaasersuutinullu Naalakkersuisoqarfik, Kommune Kujalleq, Kommuneqarfik Sermersooq, Qeqqata Kommunia, Kommune Qeqortalik, Avannaata Kommunia, Naalagaaffiup Kalaallit Nunaanni sinniisaa.

Suliffeqarfifit: Air Greenland, Inissiaatileqatigiiffik INI, Great Greenland, Greenland Oil Spill Response, Nalik Ventures, Illuut, KNI, NunaGreen, Royal Arctic Line, Royal Greenland, Tusass, Visit Greenland, BankNordik, GrønlandsBANKEN, Polar Seafood, Inu:IT, Comby, Permagreen.

Kattuffiit allallu: Kalaallit Nunaanni Aalisartut Piniartullu Kattuffiat (KNAPK), Qalerualinniat Aalisagarniallu Kattuffiat (QAK), Sinerissap Qanittuani Aalisartut Piniartullu Kattuffiat (SQAPK), Sulisitsisut, Ilanniagarttuut Kattuffiat (ASG), Ilanniartitsisut Meeqqat Atuarfianneersut Kattuffiat (IMAK), Nunatsinni Perorsaasut Kattuffiat (NPK), Peqqinnissaq Pillugu Kattuffiit (PPK), Sulinerlik Inuussutissarsiuteqartut Kattuffiat (SIK), Sulisunik Siulersuisut Kattuffiat (SSK).

Tusarniaanermi akissutit taakku pillugu allakkiami sammineqarput. Ilanggussaq 2
innersuussutigineqarpoq.

Siunnersuummi malittarisassanut ataasiakkaanut nassuiaatit

§ 1-imut

Aalajangersakkami Inatsisartut inatsisaanni atuuttumi § 1, imm. 1-2 ingerlateqqinnejarpuit, taamaattorli Kalaallit Nunaannut nalunaaquttamut malitassaq aamma nalunaaquttat ingerlaqtigiiiffiat nalinginnaasoq UTC-3-mut allanngortinneqarluni.

Aalajangersakkakut Inatsisartut inatsisaanni atuuttumi § 1, imm. 3 taamatuttaaq ingerlateqqinnejarpooq, allannguutigaluguli matumani Naalakkersuisut taamaallaat piginnaatinneqarmata Danmarkshavn aamma Pituffik Space Base eqqarsaatigalugit aasaanerani nalunaaqutaq pillugu malittarisassiorssinnaanissaminut. Taamaalluni Kalaallit Nunaata immikkoortuinut allanut aasaanerani nalunaarutaq atorunnaarsinnejassaaq.

§ 1, imm. 1-imut

Imm. 1-imi aalajangersarnejarpooq Kalaallit Nunaannut nalunaaquttap nalinginnaasup nalunaaquttamut malitassaq aamma nalunaaquttat ingerlaqtigiiiffiat UTC-3 malissagaa. Ullumikkut taanna UTC-2-uvoq.

§ 1, imm. 2-mut

Sumiiffinni erseqqinnerusumik taaneqartuni nalunaaquttat ingerlaqtigiiiffiannit nalinginnaasumit UTC-3-mit nalunaaquttat ingerlaqtigiiiffiata allap malinnejarnissaq pillugu maleduagassanik aalajangersasinnanermut Naalakkersuisut piginnaatinneqarnerat atuuttoq imm. 2-mi ingerlateqqinnejarpooq.

Piginnaatitsissut atuuttoq tunngavigalugu Naalakkersuisut nalunaarusiorsimapput: Danmarkshavnimi aamma Pituffimmi (Thule Air Base) nalunaaquttap ingiaqtigiiiffianik aalajangersagaq aammalu aasaanerani nalunaaquttap atuusinnaanera pilligit Namminersorlutik Oqartussat nalunaarutaat nr. 8, 24. marts 2023-meersoq.

Taamaalluni ullumikkut sumiiffiit marluk nalunaaquttat ingerlaqtigiiiffiannit nalinginnaasumit ullumikkut UTC-2-usumit nalunaaquttaq ingerlaqtigiiiffiannik allamik malitaqarput. Tamatumani pineqarput Danmarkshavn nalunaaquttat ingerlaqtigiiiffiannik UTC+0-mik malitaqartoq aamma Pituffik Space Base nalunaaquttat ingerlaqtigiiiffiannik UTC-4-mik malitaqartoq. Sumiiffinnut pineqartunut nalunaaquttat ingerlaqtigiiiffisa allanngortinneqarnissaat eqqarsaatigineqanngilaq.

§ 1, imm. 3-mut

Aalajangersakkakut Naalakkersuisut piginnaatinneqarput Danmarkshavnimi aamma Pituffik Space Base-imi aasaanerani nalunaaqutaq pillugu malittarisassanik aalajangersasinnanerminnut.

Piginnaatitsissutip taamatut oqaasertalerneqarsimanceratigut Kalaallit Nunaata ilaanut allanut
Kalaallit Nunaannulluunniit tamarmiusumut aasaanerani nalunaaqutaq pillugu
malittarisassanik Naalakkersuisut aalajangersaasinnaassanngillat.

§ 2-mut

Imm. 1-imut

Inatsisartut inatsisaata ulloq 27. oktober 2024, nal. 24.00 atuutilernissaa
siunnersuutigineqarpoq.

Imm. 2-mut

Inatsisartut inatsisaata matuma atuutilerneratigut Aasaanerani nalunaaqutaq pillugu
Namminersorlutik Oqartussat nalunaarutaat nr. 15, 27. marts 2024-meersoq
atuukkunnaarsinnejarpoq.

Ilanngussaq 1

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	<p style="text-align: center;">§ 1</p> <p>Nalunaaquttap aalajangersarneqarnera pillugu Inatsisartut inatsisaanni nr. 31-mi 25. november 2022-meersumi tulliuttut allanngortinneqarput:</p>
<p>§ 1. Kalaallit Nunaannut nalunaaquttamut nalinginnaasumut nalunaaquttamut malitassaq aamma nalunaaquttat ingerlaqtigiiifiat UTC -2 malinneqarpoq.</p> <p><i>Imm. 2.</i> Sumiiffinni erseqqinnerusumik allanneqartuni nalunaaquttat ingerlaqtigiiifiat alla imm. 1-imi aalajangersarneqartunit allaanerusoq malinneqassasoq pillugu maleruagassanik Naalakkersuisut aalajangersaasinnaapput.</p> <p><i>Imm. 3.</i> Naalakkersuisut aasaanerani nalunaaqutaq pillugu maleruagassanik aalajangersaasinnaapput.</p>	<p>1. § 1 imatut oqaasertalerneqarpoq:</p> <p>” § 1. Kalaallit Nunaannut nalunaaquttap nalinginnaasup nalunaaquttamut malitassaq aamma nalunaaquttat ingerlaqtigiiifiat UTC-3 malippaa.</p> <p><i>Imm. 2.</i> Sumiiffinni erseqqinnerusumik taaneqartuni nalunaaquttat ingerlaqtigiiifiat alla imm. 1-imi aalajangersarneqartunit allaanerusoq malinneqassasoq pillugu maleruagassanik Naalakkersuisut aalajangersaasinnaapput.</p> <p><i>Imm. 3.</i> Danmarkshavnimi aamma Pituffik Space Base-imi aasaanerani nalunaaqutaq pillugu malittarisassanik Naalakkersuisut aalajangersaasinnaapput.”</p>
	<p style="text-align: center;">§ 2</p> <p>Inatsisartut inatsisaat una ulloq 27. oktober 2024, nal. 24.00 atuutilerpoq.</p> <p><i>Imm. 2.</i> Aasaanerani nalunaaqutaq pillugu Namminersorlutik Oqartussat nalunaarutaat nr. 15, 27. marts 2024-meersoq peqatigitillugu atuukkunnaarsinneqarpoq.</p>

Tusarniaaneq pillugu allakkiaq

Oqartussanik suliaqatigiiffinnillu il.il. tusarniaaneq

Inatsisisamut missingiut piffissami 2024-mi 10. julimit 5. augustimut Inatsisartut nittartagaanni tamanut tusarniaatigineqarsimavoq.

Inatsisisatut missingiut taamatuttaaq oqartusanut suliniaqatigiiffinnullu il.il. tulliuttunit tusarniaatigineqarsimavoq:

Oqartussat: Naalakkersuisut Siulittaasuata Naalakkersuisoqarfia, Aningaasaqarnermut Akileraartarnermullu Naalakkersuisoqarfik, Inuussutissarsiornermut, Niuernermut, Aatsitassanut, Inatsisinik atuutsitsinermut Naligiissitaanermullu Naalakkersuisoqarfik, Naalagaaffinngornissamut Nunanullu allanut Naalakkersuisoq, Meeqqanut Inuuusuttunullu Naalakkersuisoqarfik, Ilanniartitaanermut, Kulturimut, Timersornermut Ilageeqarnermullu Naalakkersuisoqarfik, Aalisarnermut Piniarnermullu Naalakkersuisoqarfik, Nunalerinermut, Imminut pilersornermut, Nukissiornermut Avatangiisinullu Naalakkersuisoqarfik, Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfik, Peqqissutsimut Naalakkersuisoqarfik, Ineqarnermut Attaveqaasersuutinullu Naalakkersuisoqarfik, Kommune Kujalleq, Kommuneqarfik Sermersooq, Qeqqata Kommunia, Kommune Qeqertalik, Avannaata Kommunia, Naalagaaffiup Kalaallit Nunaanni sinniisaa.

Suliffeqarfiiit: Air Greenland, Inissiaatileqatigiiffik INI, Great Greenland, Greenland Oil Spill Response, Nalik Ventures, Illuut, KNI, NunaGreen, Royal Arctic Line, Royal Greenland, Tusass, Visit Greenland, BankNordik, GrønlandsBANKEN, Polar Seafood, Inu:IT, Comby, Permagreen.

Kattuffiit allallu: Kalaallit Nunaanni Aalisartut Piniartullu Kattuffiat (KNAPK), Qalerualinniat Aalisagarniallu Kattuffiat (QAK), Sinerissap Qanittuani Aalisartut Piniartullu Kattuffiat (SQAPK), Sulisitsisut, Ilanniagarttuut Kattuffiat (ASG), Ilanniartitsisut Meeqqat Atuarfianneersut Kattuffiat (IMAK), Nunatsinni Perorsaasut Kattuffiat (NPK), Peqqinnissaq Pillugu Kattuffiit (PPK), Sulinerrik Inuussutissarsiuteqartut Kattuffiat (SIK), Sulisunik Siulersuisut Kattuffiat (SSK).

Siunnersuuteqartoq oqartusanit suliniaqatigiiffinnillu il.il. tulliuttunit tusarniaanermi akissuteqaatinik tigusaqarpoq:

Aningaasaqarnermut Akileraartarnermullu Naalakkersuisoqarfik, Inuussutissarsiornermut, Niuernermut, Aatsitassanut, Inatsisinik atuutsitsinermut Naligiissitaanermullu Naalakkersuisoqarfik, Meeqqanut Inuuusuttunullu Naalakkersuisoqarfik, Ilanniartitaanermut, Kulturimut, Timersornermut Ilageeqarnermullu Naalakkersuisoqarfik, Kommune Kujalleq, Kommuneqarfik Sermersuumi Meeqqanut Atuarfeqarnermullu Ingerlatsivik, Kommuneqarfik Sermersuumi Sanarfinermut Avatangiisinullu Ingerlatsivik, Kommuneqarfik Sermersuumi

Suliffeqarnermut Isumaginninnermullu Ingerlatsivik, Air Greenland, Inissiaatileqatigiiffik INI, GrønlandsBANKEN, Tusass, Modulo ApS, Sulisitsisut, Peqqinnissaq Pillugu Kattuffit (PPK), Andu Schiødt Pikilak (innuttaasoq), Birthe Josvassen (innuttaasoq), Hans-Kristian Petrussen (innuttaasoq), Hennie Nielsen Lange (innuttaasoq), Bikki Kleist Jepsen (innuttaasoq), Klara Rosing (innuttaasoq), Susanne Høegh (innuttaasoq), Tuperna Heinrich (innuttaasoq), kiisalu Ulla Lynde Heilmann (innuttaasoq).

Siunnersuuteqartoq tusarniaanermi akissutinut tiguneqartunut qujavoq.

Tulliuttut siunnersummut oqaaseqaatissaqarsimannigillat:

Meeqcanut Inuuusuttunullu Naalakkersuisoqarfik, Ilanniartitaanermut, Kultureqarnermut, Timersornermut Ilageeqarnermullu Naalakkersuisoqarfik kiisalu Inissiaatileqatigiiffik INI.

Oqaaseqaatit tiguneqartut ataani naqinnerit nalinginnaasut atorlugit issuarneqarsimapput, siunnersuuteqartup oqaaseqaatai naqinnernik uingasunik allanneqarsimallutik.

1. Aningaasaqarnermut Akileraartarnermullu Naalakkersuisoqarfik

1.1. Aningaasaqarnermut Akileraartarnermullu Naalakkersuisoqarfipiup oqaatigaa
nalunaaquattap aalajangersarneqarnera 2022-mi novemberimi akuerineqartoq aammalu aatsaat ulloq 28. oktober 2023-mit piviusumik sunniuteqalersoq. Taamaalillunilu nalunaatuttat ingerlaqtigiiffiat allanngortitaq maanna atorneqartoq qaammatinit qulinit ikinnerusunit taamaallaat atuuppoq. Tamanna tunngavigalugu nalunaaquattat ingerlaqtigiiffiata taama pilertortigisumik allanngortinneqarnissaata aalajangerneqarnissaa tuaviuussivallaarnerusorinarrpoq.

Piffissap taama sivikitsigisup iluani nalunaaquattat ingerlaqtigiiffiannik allanngueqittoqassappat tamanna Kalaallit Nunaanni innuttaasut nunatsinnilu inuussutissarsiortut akornanni ularussisoqarneranik eqqissiviilliortoqarneranillu nassataqarsinnaavoq. Nalunaaquattat ingerlaqtigiiffiata allannguutaanut tamatta naleqqussarniarsarisimavugut, siunnersuullu akuerineqassappat pissutsit ersarinngissorinartut pissutigalugit aammaarluta tamatta naleqqussaqqissaagut.

Nalunaatuttap ingerlatseqatigiiffiata allannguutaanut inuttut qanoq naleqqussartarnerput assigiinngilaq. Ilaasa naleqqussarneq allanut sanilliullutik ajornakusoornerutittarpaat. Sungiussinitali kingorna nalunaaquattat ingerlaqtigiiffiat nutaaq ingerlaasitsinnut aalajangersimasumik ilaaginnalerpoq. Taamaattumik inuppassuit nalunaaquattat ingerlaqtigiiffiannik nutaamik ajornakusoortumik misigisaqarnerarlugit inatsisisstatut siunnersummut nassuaatini tunngavilersuut paasiuinaappoq. Inuit taakkorpiaat nalunaaquattat ingerlaqtigiiffiannik allannguisoqarneranik aammaarlutik misigisaqarunik tamanna ajornakusoortissagaat ilimanaateqarluarpoq.

Naalakkersuisoqarfipiup oqaaseqaatai paatsoornermik tunngaveqarsorinarp. Nalunaaquattat ingerlaqtigiiffiannik nutaamik innuttaasut sungiussiniarneranni pitsaanngitsumik (piffissami sivikitsuinnarmi) kinguneqartitsivigineqarnissaat siunnersuuteqarnermi anguniarneqanngilaq. Nalunaaquattat ingerlaqtigiiffiata (ataavartumik) kingunerisaat

piffissamit seqinnerfiusumit (nalunaaquttat ingerlaarfiannit "nalinginnaasumit") allaanerusut siunnersuummi siunnerfigineqarput.

1.2. Internetikkut isummanik takutitsineq tunngavigalugu inuit 2.700-t nalunaaquttat ingerlaqatigiiffiata UTC-3-p atuutileqqinnissaanik kissaaateqarsimancerat inatsisissatut siunnersuummi innersussutigineqarpoq. "Influencer"-imit (sunnyiniartartumik) taaneqartartumit siulersorneqartumik internetikkut paasititsiniaaneq, tamat oqartussaaqataaneranni inatsisartutigoortumilluunniit sutigulluunniit nakkutilliivigineqanngitsoq taama ittoq aalajangiinermi sutigulluunniit tunngavigineqarsinnaanngilaq. Isummanik takutitsineq nalunaaquttat ingerlaqatigiiffiannik allannguinissaq pillugu isumaqataasut akerliusulluunniit naligimmik oqaaseqartillugit oqallinnermik assigiinngisitaartumik siuarsaniarnermik pilersitsiniarfiunngilaq. Akerlianilli allannguineq ingerlanneqareersoq isummanik takutitsinermi illunnaasiortumik akerlilerneqarpoq. Nalunaaquttat ingerlaarfiata allanngorneqarnera ingerlanneqareersoq annertuumik unalligassaqartitsisoq inuit amerlasuut isumaqarpata atsiornerit amerlanerungaatsiarsimassagaluartut naatsorsuutigineqartariaqarpoq.

Atsiornernik katersuisitsineq tusagassiorfinnit allaaserineqangaatsiarpoq, taamaattumillu atsiornernik amerlanernik katersuisoqanngitsoorneranut tamanna pissutaarpiarnavianiingilaq. Taamaattumillu apeqqutigissallugu pissusissamisoorpoq amerlasoorpassuit kissaatigineqartumut atsiunngitsut nalunaaquttat ingerlaqatigiiffiannik nutaamik akuerinnereersimanersut allaalluunniit akuersaartumik tigusisimanersut? Tamanna eqqoriarneqarsinnaanngilaq, nassuaatigissalluguli atorluarneqarsinnaasorinarluni.

Tamatuma saniatigut inuit namminneq aalajangiisinnaassusillit Kalaallit Nunaanni aalajangersimasumik najugallit imaluunniit Kalaallit Nunaannut attuumassutillit kisimik atsiornersut atsiornernik katersuisitsinermi sillimaffiginiarneqarsorinannngilaq. Taamaalliluni inuit nunani allani najugallit imaluunniit Kalaallit Nunaannut aalajangersimasumik attuumassuteqanngitsut atsorsimanissaat ilimanaateqarluinnarpoq.

Nalunaaquttat ingerlaqatigiiffiannik aammaarluni allannguineq inuiaqatigiit pingarnerusutigut ingerlaasiannut aaqqissugaanerannullu pitsaanngitsumik sunniuteqassaaq, tamatumalu namminersortut pisortallu suliffeqarfiutaasa pilersaarusiorniarnerat iliuuseqarniarnerallu ajornakusoortilissavaa.

Naalakkersuisoqarfik isumaqarpoq, tamatumani ikinnerussuteqartunit ikitsuinnarnit inuillu ataasiakkaat nittartakkatigut attaveqaqatigiittarfinni inatsisartutigoortumik pisortatigoortumilluunniit nakkutilliivigineqanngitsumik sunniiniarnerannit aaqqissusaasumillu isummaminik takutitsinerannit aqunneqarnani innuttaasut tamarmiusut kissataannik pisariaqartitaannillu eqqumaffiginnilluni aalajangiinerni taamaattuni sukumiisumik sinnillunilu aalajangiinissamut tunngavissaq tunngavigineqartariaqartoq. Matatuma tamat oqartussaaqataaneranni tunngavigisassat ataatsimoortumillu aalajangeeriaaseqarneq qajannarsisippaa.

Innuttaasut inuiaqatigiinni pisut pillugit oqallinnerni – tassungalu ilanngullugu atsiornernik katersuisitsinerit aqquqatigalugit – peqataanerat tamat oqartussaaqataaneranni tunngavissatut nalilittut siunnersuiteqartumit igineqarpoq.

Atsiornernik katersuisitsinerit inatsisiiliornissamik pissaateqartut aalajangiiniarneranni kisimik soorunami tunngavagineqarsinnaanngillat: Innuttaasut kissaataat inuiaqatigiinni eqqarsaatigineqartariaqartunut pingaarutilinnut allanut akuttunngitsumik oqimaaqatigiissaarneqartariaqarput. Siunnersuummut isumaqataasut eqqarsaatigineqarnissaat inatsisisstat siunnersuummut pineqartumut nassuaatini nassuaatiginiarneqarsimavoq, soorlutaaq kingunerisassat pitsaasut pitsaanngitsullu siunnersuutip kingunerisinnaasaasa allaaserineqarnerini ilanngunneqartut. Tusarniaanermi akissutit tiguneqartut taakkununnga ilanngussipput. Taamaalilluni Inatsisartut aalajangiinissaminni siunnersuutikkut assigiinngisitaartumik tunngaviusumillu tunngavissinneqartut siunnersuuteqartoq isumaqarpoq.

Atsiornernik katersuisitsineq innuttaasut kissaataat pillugit ilisimatusarnikkut atorluarneqarsinnaasumik takutitsisuunngimmat siunnersuuteqartup isumaqatigaa. Ammattaaq ilumoornoq atsiortut – qanorluunniit amerlatigigaluarunik – innuttaasuni taamaallaat ikinnerussuteqartuunerat, taamaalillutillu innuttaasuni amerlanerussuteqartut nalunaaquttat ingerlaqatifiigitta allanngortinneqarnissaanik siunnersuummut tunngaviusumik isigalugu akerliussaqangatinneqarsinnaapput. Atsiornernilli katersuisitsinerup pineqartup takutippaa nalunaaquttat ingerlaqatigiifiat maanna atuuttoq innuttaasunit amerlasuunit ajornakusoortututmisigineqartarnera.

Islandimi taamaaqataanik misilittagaqaqarput, tamatumani nalunaaquttat ingerlaqatigiiffiat piffissamit seqinnerfiusumit aammattaaq allaanerulluni. Tamatumani misissuinerup Islandimi naalakkersuisunit ingerlanneqartup takutillugu aperineqartut 1.600-t 56%-iisa nalunaaquttap akunneranik ataatsimik kinguartinnissa kissaatigalugu (taamaalilluni nalunaaruttat ingerlaqatigiiffiata piffissaq seqinnerfiusoq malillugu) aammalu 35%-iisa allannguisoqannginnissa kissaatigalugu.

1.3. Nalunaaquttat ingerlaarfiat aammaarlugu allanngortinneqassagaluarpat tamatuma kingunerisassaa alla ilungersungartorlu tassaavoq timmisartumik angallannermi unammilligassat annertusinissaat. Piffissat eqqissimaarfigisassat pillugit aalajangersakkat malillugit inuttat taarseraattarnerisa annertusinerat timmisartorttsisoqatigiiffinnut ilaasunullu pisariaqanngitsumik kingunaattoortitsinermik nassataqassaaq aningasaartutuinillu annertusisitsissalluni. Tamatuma Kalaallit Nunaata ornikkuminartuunera kajungernartuuneralu annikilliseriaqqissavai immaqlu aningasaqarnikkut ineriartornermut takornariartitsinermullu ajoquisiissalluni.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

1.4. Nalunaaquttat ingerlaqatigiiffiannik allanngueqattaarnerup aningasaqarnikkut allaffissornikkullu sunniutai annikigisassaanngillat. Nalunaaquttat ingerlaqatigiiffiannik allannguinerup piviusunngortineqarnerani sulisut aningasaallu amerlasoorujussuit atorneqartariaqarput, tamatuma ilaatigut qarasaasiakkut periutsit maani nunanilu allani nutarterneqassallutik, piffissamik pilersaarutit pisortanullu attaveqarfiit iluarsineqassallutik.

Sulisut aningaasallu taakku suliassaqarfinni allani innuttaasut inuuniarnikkut atugaannik toqqaannertumik pitsangorsaataasumik atorluarneqarsinnaagaluarput.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarput.

1.5. Innuttaasut isumaat sukumiisumik sinniillunilu siumoortumik misissueqqaarnani kiisalu siunissami ungasinnerusumi kingunerisassanik nalilersueqqaarnani nalunaaquattat ingerlaqtigiiffiannut pioqqaarsimasunut uteqqittooqannginnissaa Naalakkersuisoqarfip kaammattuitigaa.

Pisariaqanngitsumik akornusersuinerit aningaasartuuteqarnissallu pinngitsoortinniarlugit patajaallisaanissap atajuartitsinissallu qulakkeerneqarnissaat pingaaruteqarpoq.

Aalajangigassat taamaattut eqqarsaatigilluaqqaarlugit aammalu innuttaasut tamarmiusut pisariaqartitaat kissaataallu ataqqillugit aalajangerneqartariaqarput.

Siunnersuutip siunissami qaninnermi ungasinnermilu kingunerisassai tusarniaaneq ingerlanneqartoq aqqutigalugu nassuiarniarneqarsimapput.

Innuttaasut nalunaaquattat ingerlaqtigiiffiat pillugu apeqqummut isumaannik sinniilluni misissuinermik misissueqqissaarisooqarfimmik misissuisitsisoqarnissaanik Naalakkersuisut kissaateqassagaluarpat tamatumunnga akerliliinissani siunnersuuteqartup tunngavissaqartinngilaa, taamaalilluni paasisat inatsisissatut siunnersuutip pineqartup ataatsimiititaliami suliarineqarnissaanut ilaatinneqarsinnaaniassammata.

2. Inuussutissarsiornermut, Niuernermut, Aatsitassanut, Inatsisinik atuutsitsinermut Naligiissitaanermullu Naalakkersuisoqarfik

2.1. Inuussutissarsiornermut, Niuernermut, Aatsitassanut, Inatsisinik atuutsitsinermut Naligiissitaanermullu Naalakkersuisoqarfip ilimagaa allannguutissatut siunnersuutigineqartoq takornariartitsinermik suliassaqarfimmut toqqaannanngitsumik sunniuteqarsinnaasoq.

Air Greenland nalunaaquattat ingerlaqtigiiffiannut UTC-2-mut allannguinissaq tigulluarpa, tamanna pingartumik Air Greenlandip imarpik qulaallugu timmisartuussineranut iluaquteqassammat. Nalunaaquattat ingerlaqtigiiffiat UTC-3 atorneqaleqqissagaluarpat Air Greenlandip kiisalu mittarfinnut nutaanut atatillugu timmisartortitsoqatigiiffiit allat pilersaarutiminnik allannguisariaqarnissaat naatsorsuutigineqarpoq. Air Greenland aammalu timmisartitsisoqatigiiffiit allat sunnerneqarnissaat naatsorsuutigineqarmat nalunaaquattat ingerlaqtigiiffiata allanngortinneqarnissaanik siunnersuut takornariartitsinermik inuussutissarsiuteqartunut allanut toqqaannanngitsumik sunniuteqarsinnaavoq.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

2.2. Naalakkersuisoqarfip oqaatigaa nalunaaquattat ingerlaqtigiiffiannut UTC-2-mut siusinnerusukkut allannguinerup siunertarisimaga piffissaq eqqarsaatigalugu Danmarkimut Europamullu qaninnerulernissaq, taamaaliornikkullu suleqatigisat niuernikkut annertunerusumik suleqatigisinnaalernissaat. Taamaalilluni nalunaaquattat

ingerlaqatigiiffiannik UTC-3-mik atueqqilerneq niuernikkut suliassaqarfiup, aaqqissuussinerup aqtsinerullu aammalu aningaaserivinnut attaveqarnerup iluini ajornartorsiutinik nassaqataqarsinnaavoq.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

2.3. Naalakkersuisoqarfiup aasaanerani nalunaaquttag atorunnaarsinneqarnissaas pitsasutut isigaa, tassa aasaanerani aaqqissuussineq ulluinnarni inuunermut pitsasumik sunniuteqarunnaartoq Naalakkersuisoq isumaqarmat.

3. Aalisarnermut Piniarnermullu Naalakkersuisoqarfik

3.1. Aalisarnermut Piniarnermullu Naalakkersuisoqarfiup oqaatigaa Kalaallit Nunaanni inuiaqatigiit mittarfilioriternermut ukiuni kingullerni annertoorujussuarmik aningaasaliisimasut aningaasaliinerup innuttaasunut iluaqutaanissa imminullu kilersinnaanissa naatsorsuutigalugu. Kingullertut taaneqartoq ilaatigt nalunaaquttag ingerlaqatigiiffiannit UTC-3-mit UTC-2-mut allanngortinnejarnera qulakkeerneqarsinnaassaaq.

Nalunaaquttag ingerlaqatigiiffiannit UTC-3-mit UTC-2-mut allanngortinnejarnera mittarfilioriternernut maanna ingerlanneqartunut aalajangiinissamut tunngavigineqartunut ilaatinnejarsimanera siunnersuuteqartumit ilisimaneqanngilaq. Tamanna nalunaaquttag aalajangersarneqarnera pillugu Inatsisartut inatsisaanni atuuttumi inatsimmut nassuaatini aamma oqaatigineqanngilaq.

3.2. Taamaaattumik nalunaaquttag ingerlaqatigiiffiata allanngortinnejarnissaas pillugu inatsisisatut siunnersuutaaqqaartoq Sulisitsisunit aammalu Air Greenlandimit taperserneqarsimavooq, tamatumani timmisartorttsisoqatigiiffimmut mittarfinnillu ingerlatsitsisoqatigiiffinnut allanut siunissami nunatsinni angallassisartusssanut iluaqtissartai arlallit Air Greenlandimit tikkuarneqarlutik. Tamatumami nassatarissammagu ingerlatseqatigiiffiup imarpik qulaallugu nammieq timmisartuutaata sineriammi silarlutsillugu ilaasusanut persaqquusersorsuutaasut annikinnerulersillugit timmisartuussisinnaassamat, tassa imarpik qulaallugu timmisartoq nunami maani timmisartumik angallassisut utaqeqqaartariaqartarunnaarlugit ullup angallassiffusussap tullianut kingunerluutitaqannginnerusumik aallajaarnerusalissamat sullitanullu persaqquusersuutit annikinnerulissallutik.

Inatsimmik (nalunaaquttag ingerlaqatigiiffiannit UTC-3-mut) allannguisoqarnera sioqqullugu inuttat Kangerlussuarmit Københavnmut aallannginnermini sivikinnerpaamik nalunaaquttag akunnerini 14-ini qasuersaartinnejartarnissaat inuttallu Københavnmut tikinnermik kingorna sivikinnerpaamik unnnuni pingasuni qasuersaaqqaartarnissaat pisariaqarsimasoq imarpik qulaallugu timmisartoq nalunaaqquttag akunnerisa assigiinngissutaat pingasut malillugit Kangerlussuarmi taamaallaat nalunaaquttag akunnerini qulini utaqqisalissapput, tamatumalu kingorna inuttat timmisartorsinnaaqqilernissaminnut taamaallaat unnuq ataaseq qasuersaarsinnaalissallutik. Tamanna ilaasunut iluaqutaallunilu ingerlatseqatigiiffik eqaatsumik ingerlatsisinnaanerulissaq.

Nalunaaquttat ingerlaqtigifiannut UTC-2-mut allannguineq kitaanut timmisartuussinernut aamma iluaquaassaaq, tassa Nuummi Ilulissanilu mittarfiit nutaat Amerikap avannaanut timmisartumik angalanisamut periarfissiissammata, tamannalu inuussutissarsiutilinnut iluaquaassalluni. Europamut sanilliullugu nalunaaquttap akunnerinik pingasunik nikingassuteqarnikkut aammalu Amerikap avannarliup kangimut sineriaanut nalunaaquttap akunnerinik pingasunik nikingassuteqarnikkut Amerikamut avannarlermut Europamullu timmisartuussinermi ataatsimut ataqatigiissaarinermi timmisartumi inuttanik pisariaqartitsineq nalunaaquttap akunnerinik sisamanik nikingassuteqarnermit annikinnerussaaq.

Kiisalu nalunaaquttat ingerlaqtigifiat ullumikkut atuttoq, tamatumani Danmarkimut Europamullu piffissap nikingassutaa nalunaaquttap akunnerinut pingasunut sivikillilluni, Air Greenlandip Danmarkimi Europamilu silaannakkut timmisartuussinermut oqartussanut attaveqarneq eqqarsaatigalugu "piffissaq allaffissornermut atortagaa" nalunaaquttap akunnerata missaanik sivitsussaaq.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

3.3. Kiisalu aalisakkanik suli uumasunik Danmarkimut Europamullu avammut niuerneq annertusiartortoq naalakersuisoqarfimmit maluginiarneqarpoq, taakku timmisartumik assartorneqartarlutik aammattaarlu piffissap nikinganerata annikillineranit iluaquserneqarlutik.

Siunnersuuteqartup maluginiarpaa saattuanik suli uumasunik, aalisakkanik suliareqqitaanngitsunik nipisaallu suaannik Kalaallit Nunaannit timmisartukkut assartorlugit nassiullugit ukioq manna miligarneqartoq aammalu aappaagu nipisaat suaannik sapaatip akunneranut 100 tonsit angullugit assartuisinnaanissani Air Greenlandimit naatsorsuutigineqartoq. Taamatulli naatsorsuuteqarnermi ingerlatseqatigiiffiup 2025-mi timmisartuussinissamik pilersaarutaanik tunngaveqarpoq, tamatumani ingerlatseqatigiiffik Nuummit nunanut tamalaanut sapaatip akunneranut tallimariarluni-arfineq marloriarluni timmisartuussisassalluni. Air Greenland tusarniaanermi akissummini paasissutissiivoq nalunaaquttat ingerlaqtigifiannut UTC-3-mut uteqqinnerup nassatarissagaa timmisartuuttinissamik pilersaarut taanna ingerlanneqarsinnaanavianngitsoq.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

3.4. Air Greenlandimut iluaqutit taakku nalunnaquttat siusinnerusukkut ingerlaqtigifiannut uteqqinnermi annaaratarneqarsinnaapput, soorluttaaq nalunaaquttat ingerlaqtigifiannik atuutitsilernerup kingorna taama pilertortigisumik allanngueqqittoqassappat tamanna nunani tamalaani eqqumiiginartinneqassangatinneqartoq. Aasaanerani nalunaaquttap atorunnaarsinneqarneratigut Kalaallit Nunaata, Danmarkip Europallu akornanni nalunaaquttap ingerlaqtigifiata sivikillisinneratigut iluaqutissat pissarsiarineqartut suli annikilleriartinneqassapput.

Kalaallit Nunaanni nalunaaquttat ingerlaqtigifiata Kalaallit Nunaata inissisimaffianut immini nammineq pissusissamisoortumik nalunaaquttat ingerlaqtigifianni UTC-3-miinnea

immaqa tunngavigisinjaavaa, piffissalli (ammaarluni) kinguartinnissaq pillugu aalajangiinissaq peqqissaartumik isumaliutigineqartariaqarpoq, tamatumani ulluunerani qaamaneranut pitsaanerusumik naleqqussarnerup nammineernerulernissallu pitsaaqutissaasa aammalu Danmarkimi Europamilu piffissap nikinganerata annertunerulererata ajoqutissartai oqimaaqatigiissaarneqassallutik, taakku inuussutissarsiortunut, timmisartumik angallannermut takornariartitsinermullu pitsaanngitsumik sunniuteqarsinnaammata, pingartumik mittarfinnut annertoorujussuarmik aningaasaliinerit siunnersuummut akerliusut eqqarsaatigalugit.

Iluaqutissat ajoqutissanut oqimaaqatigiissaarneqarnissaat siunnersuuteqartup isumaqatigaa.

Eqqarsaatiginiagassat siunnersuummut isumaqataasut eqqarsaatiginiagassallu siunnersuummut akerliusut inatsisissatut siunnersuummut matumunnga nassuaatini nassuiarniarneqarput – soorluttaaq kingunerisassat pitsasut pitsaanngitsullu siunnersuutip kingunerisassaatut naatsorsuutigisat allaaserineqarneranni ilanngunneqartut.

Siunnersuuteqartoq taamaalilluni iluaqutissanik ajoqutissanillu oqimaaqatigiissaarinissamut periarfissiisumik Inatsisartut aalajangiinissaanni tunngavissioriarsimavoq.

4. Ineqarnermut Attaveqaasersuutinullu Naalakkersuisoqarfik

4.1. Ineqarnermut Attaveqaasersuutinullu Naalakkersuisoqarfip kaammattuitigaa nunat pingarnertut suleqatigisagut, tassunga ilanngullugu Danmarki aasaanerani nalunaaquuttamik atuiinnartillugit nalunaaquuttat ingerlaqatigiiffiata UTC-2-miinnera attatiinnarneqassasoq.

4.2. Naalakkersuisoqarfik paassisutissiivoq nalunaaquuttat ingerlaqatigiiffiannut UTC-2-mut allannguinissaq sioqqullugu Air Greenland oqaloqatigisimallugu, tassangaanniillu oqaatigineqartoq/argumenterede nalunaaquuttat ingerlaqatigiiffiat allanngortinneqarpat tamanna suliffeqarfimmut aningaasaqarnikkut annertuumik pitsaaquteqassasoq. Tamatumunnga tunngavigineqarpoq timmisartuussinermut suliassaqarfimmi nunani tamalaani malittarisassat nassatarisaannik timmisartuussinerit nalunaaquuttat ingerlaqatigiiffii sisamat taakkuluunniit sinnerlugit malillugit ingerlanneqartut nalunaaquuttat ingerlaqatigiiffiit sisamat ataallugit timmisartuussinerni aningaasartuuteqarfiunerat. Nalunaaquuttat ingerlaqatigiiffii arallit malillugit timmisartuussinernut atatillugu aningaasartuutit annertuumik kinguaattooruteqarnerni amerleriaateqartarput. Nalunaaquuttat ingerlaqatigiiffiannit UTC-3-mit UTC-2-mut nuunnerup kinguneraa nalunaaquuttat ingerlaqatigiiffiisa assigiinnginnerat nalunaaquuttap akunnerinit sisamanit pingasunut sivikillimmat aammalu tamanna pissutigalugu Air Greenlandip kinguaattooruteqarnernut atatillugu aningaasartuutai annikillimmata.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

4.3. Nalunaaquuttap aalajangersarneqarnera pillugu Inatsisartut inatsisissaattut siunnersuutip tusarniaassutigineqarneranut atataillugu Air Greenlandip tusarniaanermi akissutaa naalakkersuisoqarfimmit innersuussutigineqarpoq. Tassani allassimavoq imarpik quallaallugu timmisartoq pisuni silarlunnera pissutigalugu nunatsinni timmisartuussinermi timmisartunik tikittussanik utaqqisariaqartarnera eqqarsaatigalugu Kalaallit Nunaata Danmarkillu akornanni piffissap nalunaaquuttap akunnerinik sisamanik nikinganerata nassatarissavaa inuttat

Københavnliannginnerminni Kangerlussuarmi sivikinnerpaamik nalunaaquttag akunnerini 14-ini qasuersaartassammata, tamatumalu kingorna Københavnimi sivikinnerpaamik unnummi pingasuni qasuersaartarlutik. Kalaallit Nunaata Danmarkillu akornanni nalunaaquttag akunnernik pingasunik nikinganerata nassatarissavaa inuttat Kangerlussuarmi taamaallaat nalunaaquttag akunnerini 10-ni Københavnimilu unnummi ataatsimi qasuersaartassammata. Tamanna ilaasunut ingerlatseqatigiiffimmullu iluaqtaassaaq.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarput.

4.4. Taamaalilluni nalunaaquttag ingerlaqtigiiffiannut UTC-3-mut allanguineq Air Greenlandip eqaannginnerusumik ingerlatsilerneranik nassataqassaaq, soorluttaaq aningaasartuutit amerlinerat akinik aaqqissuinermi malugineqarsinnaassasoq. Tamanna Air Greenlandip sullitaanit malugineqarsinnaassaaq. Tamatuma kingunerisanik takornariartitsinermik ingerlataqartunut kinguneqarnissaa naatsorsuutigineqartariaqarpoq.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

4.5. Nalunaaquttat ingerlaqtigiiffiata UTC-2-p atorneratigut Europap annersaanut aammalu USA-mut Canadallu kangimut sineriaanut nalunaaquttag akunnerinik pingasunik nikingassuteqassaaq. Taamaalilluni takornariartitsinermik ingerlatsisunut iluaqtaasumik Amerikap avannaanut timmisartuussinernik pilersitsinissaminut inuttat assingisa atornissaannut Air Greenlandip periarfissai pitsanngoriaateqassapput.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

4.6. Air Greenlandip ingerlatani nalunaaquttag ingerlaqtigiiffiat UTC-2 malillugu naleqqussarsimavai aammalu nalunaaquttag ingerlaqtigiiffiannik UTC-3-mik atuileqqittoqaraluarpat tamanna annertoorujussuarmik aningaasartuuteqarnermik nassataqassasoq naatsorsuutigineqarluni. Taamaattumik siunnersuummut nassuaatini ima allassimasoqarnera paatsuunganartutut naalakkersuisoqarfiup isigaa: "Kingunerisassalli [inuussutissarsiortunut] pitsaanngitsut annertunavianngitsut naatsorsuutigineqarpoq".

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

4.7. Tamatuma saniatigut nalunaaquttag ingerlaqtigiiffiata UTC-2-mut allanngortinneqarnerata kingunerissavaa Danmarkimi suleqatigisat onlinemik ataatsimeeqatiginissaannut piffissaq atorneqarsinnaasoq sivikillissammat. Tamanna pingaartumik Danmarkimi taamaallaat ullaakkut ullup qeqqataluunniit siorna taamaallaat attavigisinnasanut atuuppoq.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

4.8. Siunnersummut nassuaatini oqaatigineqarpoq siunnersuut innuttaasut peqqissusiannut pitsaasumik kinguneqarsinnaasoq. Naalakkersuisup tassunga atatillugu oqaatigaa Islandimi peqqissutsimut ministereqarfiup ataani suleqatigiissitamit kaammattuutit siunnersummut nassuaammi innersuussutigineqartut. Misissuinerit Europami USA-milu ingerlanneqarsimasorinartut suleqatigiissitamit innersuussutigineqarput. Kalaallit Nunaanni ulla sivisussusiisa ukiup ingerlanerani nunallu immikkoortuisa ilaanni assigiinngitsuni assigiinngitsorujussuunerata annertuumik pingaaruteqarneranik isummertoqarnissaa naalakkersuisoqarfimmit amigaatigineqarpoq. Taamaalilluni, pingartaumik ullup sivisussusiata pissusissamisoortumik assigiinngissuseqarneranut akerliusumik nalunaaquuttat ingerlaqatigiiffiat pissutigalugu, innuttaasunit qanoq amerlatigisut ajornartorsiutinik taaneqartunik misigisaqassanersut ersernerluppoq.

Ajornartorsiutip tamatuma attuumassuteqartuunera siunnersuuteqartup misirratiginngilaa, apeqqummullu immikkut nassuaataasunik misissuisoqarsimanersoq ilisimanagu.

4.9. Naalakkersuisoqarfifup oqaatigaa siunnersummut nassuaatini innersuussitigineqarmat, ”nalunaaquuttat ingerlaqatigiiffiata allanngortinnejarnera arlallit meeqqaminnut sunniuteqarsimasoq misigisarsimagaat, tassa meeqqat unnukkut sininniarnerminnik ullaakkullu makinniarnerminnik atuariartornissaminnillu ajornartorsiuteqartarsimammata. Taamatutaaq atuarneqarsinnaasimavoq Kalaallit Nunaata Avannaani aalisartorpassuit piniartorpassuillu piniariarnissaminnut seqerngup nuinissaa utaqqikatattarsimagaat”. Naalakkersuisoqarfimmit equmiigineqarpoq timersortartut nalunaaquuttap ingerlaqatigiiffiannut UTC-2-mut nuunneqarneranik tigusilluarnerannik tusagassiorfiit allaaserinninnerat nassuaatini tamatuma peqatigisaanik innersuussutigineqanngimmat, tassa allannguineq ilaatigut silami sammisaqarfiusinnaasumik ualinerani sivisunerusumik qaamasarneranik nassataqarmat, soorluttaaq ualinerani qaammaarinera ilaqtariittut inuunissaminnut perarfissagissaarnerulernertik ilaasa naammagisimaaraat.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

4.10. Aasaanerani nalunaaquuttap ataavartumik atorunnaarsinneqarnissaanut oqaaseqaatit: Nunanik aasaanerani nalunaaquuttamik atuisunik suleqateqarnerup angallannikkullu attaveqateqarnerup oqilisarneqarnissaat Kalaallit Nunaanni aasaanerani nalunaaqutaqarnerup siunertaraa.

Danmarki Europallu sinnera, Canadap annersaa (tassungalu ilanngullugu Nunavut) aasaanerani nalunaaqutaqarput, Islandilu aasaanerani nalunaaquuttamik atuiunnaarsimalluni. Oqaatigineqassaaarlil nunat siuliani taaneqartut ullut aasaanerani nalunaaquuttamut ikaarsaariartarfii assigiinngillat.

Maannakkut Danmarkimut piffissap ukioq tamaat assigiinngissutaa nalunaaquuttap akunneri pingasuupput. Siunnersuut akuerineqassappat aammalu Kalaallit Nunaat nalunaaquuttat ingerlaqatigiiffiannut UTC-3-mut utissappat kiisalu aasaanerani nalunaaquuttamik atorunnaarsitsissappat Danmarkimut piffissap assigiinngissutaa ukiukkut nalunaaquuttat akunneri sisamaassapput aasakkullu nalunaaquuttap akunneri tallimaassallutik. Nalunaaquuttap

ingerlaqatigiiffiat nikisinnagu aasaanerani nalunaaqutaq atorunnaarsinnejassappat Danmarkimut piffissap assiginnngissutaa ukiukkut nalunaaquttap akunneri pingasuussapput aasakkullu nalunaaquttap akunneri sisamaassallutik. Aasaanerani nalunaaquttap atorunnaarsinnejarnissaa kisiat toqqarneqarpal tamanna Air Greenlandimut aningaasaqarnikkut kinguneqassaaq, timmisartumik angallassinermut suliassaqarfimmi nunat tamalaat malittarisassaat taaneqartut pissutigalugit.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

4.11. Ulloq aallarnerfiusussaq pillugu oqaaseqaat: Naalakkersuisoqarfiup oqaatigaa ulloq aallarnerfiusussaq ulloq 27. oktober 2024-mut inissinnejarsimasoq. Tamanna isumaqarpoq Inatsisartut inatsisaat akuerineqarnerminit ullualunnguit sivisunerpaamilluunniit sapaatip akunnerisa qaangiunneranni atuutilersinnejassasoq.

Tamatuma nassatarissavaa inuussutissarsiortut allannguummut naleqqussarnissannut piffissaqassanngimmata. Tamanna pingaartumik inuussutissarsiortunut nalunaaquttap ingerlaqatigiiffii akimorlugit pilersaarusiortartunut, tassungalu ilanngullugu Air Greenlandimut Kalaallit Nunaanni nunanilu allani miffarfiit peqatigalugit piffissamut pilersaarutinik ataqtigisihaarumut ajornartorsiortitsissaaq. Siunnersuut akuerineqassappat suliffeqarfiup aningaasaqarneranut sunniuteqartumik tunngaviusumik atugassarititaasut ilaat ataaseq piffissap sivikilluinnartup iluani Air Greenlandip allanngortissavaa.

Tamatuma saniatigut nalunaaquttat ingerlaqatigiiffiata nikisinneqarnerata nunani tamalaani oqartussanut nalunaaquttat ingerlaqatigiiffii pillugit takussutissianik ingerlataqartunut nalunaarutigineqarnissaa ingerlatsinnejarnissaalut piffissamik atuiffiussaaq.

Taamaattumik nalunaaquttat ingerlaqatigiiffiannik taama sivikitsigisumik piffissaqartitsilluni allanngortitsisoqaqqunagu naalakkersuisoqarfik sakkortuumik nangartaavoq. Nalunaaquttat ingerlaqatigiiffiannut UTC-2-mut nikinnermit misilitakkat tunngavigalugit akuersissuteqarnermit atuutilersitsinissap tungaanut sivikinnerpaamik ukiup ataatsip atorneqarnissaa naalakkersuisoqarfiup kaammattutigaa.

Air Greenland tusarniaarnermi akissummini paassisutissiissutigaa, 2025-mut timmisartuussinissamik pilersaarummik aalajangersaasoqareersoq, tamanna tunngavigalugu inissaqassuseq pillugu millioninik marlunnik kisitsitalimmik pituttuisuusumik isumaqatigiissusiortoqarsimasoq aammalu bilitsit tuniniarneqalereersut. Timmisartuussinissamilli pilersaarut tamanna malillugu piffissap nalunaaquttat ingerlaqatigiiffiannut UTC-3-mut allanngortinnejarneratigut timmisartuussinissaq ajornarpoq.

Taamattumik nalunaaquttat ingerlaqatigiiffiata UTC-3-mut allanngortinnejarnerata nassatarissavaa millioninik marlunnik kisitsisisalimmik inissaqassuseq atorluarneqarsinnaassanngimmata aammalu bilitsit tunineqartut tamaasa Air Greenlandimit taamaatiinnarneqartariaqassammata utertinneqartariaqarlutillu, tamannalu nalunaaquttat ingerlaqatigiiffiat allanngortinnejassappat tamatumma qaqugu atuutilernissaa apeqquaatillugu millioninik marlunnik pingasunilluunniit kisitsisitalinnik akeqassaaq.

Tamanna tunngavigalugu siunnersuutip ulloq atuutilerfissaata allanngortinneqarnissaanik isumaliutigineqartut naleqquuttuusorinarpuit. Siunnertuutili ataatsimiititaliamit suliarineqarnissaata utaqqimaarneqarnissaa naapertuunnerpaatut siunnersuuteqartumit isigineqarpoq.

4.13. Naliliisoqarnissaanik kaammattuuteqartoqarnera: Nalunaaquttat ingerlaqatigiiffiat UTC-3-mut utertinneqarluni allanngortinneqarnissaanut isumaqataasoqarlunilu akerliusuoqartoq naalakkersuisoqarfiup maluginiarpaa. Taamaattumik nalunaaquttat ingerlaqatigiiffiannik atuutumik naliliisoqartinnagu nalunaaquttat ingerlaqatigiiffiannik allannguinissaq pillugu aalajangiisoqannginnissaa naalakkersuisoqarfiup kaammattuutigaa. Innuttaasut naammagisimaarininnittut naammaginninngitsullu tusarniarneqarnissaat naliliinermiit taamaattumit perarfissinneqartariaqarpoq. Naliliineq piffissami innuttaasut nalunaaquttat ingerlaqatigiiffiannik nutaamik sungiussisimaneranni ingerlanneqartariaqarpoq, taamaalilluni nalunaaquttat ingerlaqatigiiffiannik nutaamik sungiussineq pinnagu nalunaaquttat ingerlaafriat UTC-2 naliliiffik naliliiffagalugu. Aammattaaq nalunaaquttat ingerlaqatigiiffiat aasaaneranilu nalunaaquttag atorneqarnera immikkoortillugit naliliiffigineqartariaqarput.

Aningaasaqarnermut Akileraartarnermullu Naalakkersuisoqarfiup tusarniaanermi akissutaanut siunnersuuteqartup oqaaseqaatai innersuussutigineqarput, immikkootoq 1.5.

5. Peqqissutsimut Naalakkersuisoqarfik

5.1. Inuiaqatigiit nalunaaquttat ingerlaqatigiiffiannut allamut ikaarsariarnermi aamma/imaluunniit aasaanerani nalunaaquttag atorunnaarnerani innuttaasunut ataavartumik/sivisunerusumik sunniutinut upernarsaatinik peqanngitsoq Peqqissutsimut Naalakkersuisoqarfiup oqaatigaa.

Aasaanerani nalunaaquttamut aamma/imaluunniit ukiuunerani nalunaaquttamut ikaarsaariarnerit ulloq unnuarlu ingerlaasigut piffissami sivikinnerusumi nikingassuteqalersissinnaavai assersuutigalugu sinnakinneruneq pissutigalugu, sinittarnerulli annikitsuararsuarmik nikisinneqarnera peqqinnanngitsuuneranut ulorianartuuneranulluunniit ilisimatusarnikkut sunngumilluunniit upernarsaatissartaqanngilaq.

Peqqissutsimut aarleqqutaasinnaasut aasaanerani nalunaaquttamut ukiuuneranilu nalunaaquttamut ikaarsaariarnernik pissuteqarsinnaasut ilisimatusarnikkut misissuinernit paasinarsisinneqartut sivikitsuinnarmik atuuttarnerat ilumoorpoq, soorlu tamanna inatsisisatut siunnersuummut matumunnga nassuaatini aamma allassimasoq

Tamanna nalunaaquttat ingerlaqatigiiffiannut allamut ikaarsaariarnerup kingunerisaanik piffissap allanngornera eqqarsaatigalugu aamma naaatsorsuutigineqartariaqarpoq.

Akerlianik peqqissutsimut aarleqqutaasinnaasut ilisimatusarnikkut misissuinernit paasinarsisinneqartut nalunaaquttat ingerlaqatigiiffianni piffissamit seqinnerfiusartumit allaanerusumik nalunaaquttat ingerlaqatigiiffianni inuunermut attuumassuteqartutut ilisimatusarnikkut misissuinernit paasinarsisinneqartut sivikitsuinnarmik atuussorinanggillat.

Ilisimatusartut atuagassiaat uani saqqummersinneqartoq Journal of Health Economics vol. 65, 2019 (Giuntella og Mazzonna) assersuuititut innersuussutigineqarsinnaavoq.

Islandimi peqqissuttsimut ministeriaqarfíup ataani suleqatigiíssitap taamaalilluni 2018-imi inerniliuppa Islandimi nalunaaquttat ingerlaqatigiíffiata piffissallu seqinnerfiusartut assigiininginnerisa napparsimalersinnaaneq annertusisittaraa, meeqqat atuartut ilikkagaqarsinnaanerat ajornerulersittaraa, taamatullu aamma minnerunngitsumik meeqqat inuusuttullu akornanni nanertisimanermik qasunermillu eqqorneqarsinnaaneq annertunerulersittarlugu.

Siunnersuuteqartup tassunga atatillugu oqaatigaa FN-ip meeqqat pisinnaatitaaffii pillugit isumaqatigiissutaa naapertorlugu meeqqat peqqissutsikkut sapinngisamik annertunerpaamik anguneqarsinnaasumik inissisimanissaat qulakkiissallugu (tak. isumaqatigiissummi artikel 24) Kalaallit Nunaata pisussaaaffigigaa.

5.2. Ualikkut/unnukkut qaamarngup innuttaasut silami sammisaqartarneranni nalunaaquttap akunneri atortagaat amerlisisinnaagai ilisimatusarnerup takutippaa.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

6. Kommune Kujalleq

Kommune Kujalliuq paasissutissiissutigaa inatsisisssatut siunnersuut kommunalbestyrelsimi ilaasortanut nassiunneqarsimasoq.

Ilaasortanit 15-iisunit tallimat tusarniaanermi akissuteqarput.

Ilaasortat sisamat akissuteqarput inatsisissatut siunnersuutip imarisaaanut tamarmut isumaqataallutik.

Ilaasortaq ataaseq akissuteqarpoq siunnersuut tapersorsorsinnaanagu. Tunngavilersuutigisaa tassaavoq nalunaaqutaq maannakkutut inisisimatillugu inooriaatsimut tulluartusoq. Aasaanerani seqineq nalunaaqutaq tallimanut-arfinernut nusarpoq, unnuakkut nal. 4 pinnani Upernaakkut soraarnerup kingorna suli qaamatillugu pinngortitamukarnissamut periarfissaqarpoq. Ukiukkut soraarnerup kingorna qaamanerup maluginissaa angumerineqarsinnaavoq. Siusinnerusukkut suliartornermi sulereernermilu sila taartarpoq. Maanna sulereeluni soraarnermi qaamasarpoq.

7. Kommuneqarfik Sermersuumi Sanarfinermut Avatangiisinullu Ingerlatsivik

7.1. Kommuneqarfik Sermersuumi Sanarfinermut Avatangiisinullu Ingerlatsivik

paasissutissiivoq nalunaaquttat ingerlaqatigiiffiannut UTC-2-mut allannguineq suleqatigisat Kalaallit Nunaata avataaniittut eqqarsaaatigalugit annertuumik pitsanngoriaatitut ingerlatsivimmit misigineqartoq. Pingartumik piffisap suliffiup nalinginnaasup iluani Europap ataatsimeeqatigisinnaanera maanna malunnaatilimmik ajormannginnerulerpoq, siusinnerusukkut taamaannani, tamatumani ataatsimiinnissamut angumersiniarluni unnuakkut makittoqartariaqarsinnaasarluni.

Paasissutissat pisortanut aningaasaqarnikkut allaffissornikkullu kingunerisassat pillugit nalinginnaasumik nassuiaatini immikkoortoq 3-mi ilanngunneqarpoq.

7.2. Ingerlatsivimmit maluginiaqquneqarpoq Kommuneqarfik Sermersumi nunap immikkoortuata kangisissortaata killeqarfia nalunaaquttat UTC-1-ip aammalu UTC-2-p akornanniimmat. Taamaattumik nalunaaquttap aalajangersarneqarnera allanngortinnejassagaluarpat Kalaallit Nunaata kangisissortaani nalunaaquttap UTC-2-p maliinnarneqarnissaa ingerlatsivimmit kaammattutigineqarpoq.

Sumiiffit erseqqinnerusumik taaneqartut nalunaaqutaq UTC-3 pinnagu nalunaaquttat ingerlaqatigiiffiannik allamik atuinissaat pillugu malittarisassanik Naalakkersuisut aalajangersaasinnaanerannut piginnaatitsisummik siunnersuut imaqarpoq (Inatsisartut inatsisaanni § 1, imm. 2). Kissaatigineqassappat Tasiilamut Ittoqqortoormiunullu nalunaaquttap ingerlaqatigiiffi immikkut ittut inatsisitigut tunngavissaq ilaatigut atorneqarsinnaassaaq.

8. Kommuneqarfik Sermersumi Isumaginninnermut Suliffeqarnermullu Ingerlatsivik
Isumaginninnermut Suliffeqarnermullu Ingerlatsiviup oqaatigaa nalunaaqutaq utertinneqassappat tamanna Europami nunanik, tassungalu ilanngullugu pingaartumik Danmarkimik, pisariaqartumik suleqateqarnermut sunniuteqarsinnaasoq. Tamatumunga pissutaavoq Danmarkimi oqartussanik piffissani ammasarfiini attaveqarnissamut piffissat annikilleriarnissaat.

Ingerlatsiviup aamma oqaatigaa timmisartukkut angallassinermi ulluinnarlugu angallassinissamut periarfissat siunnersummit annikillisinnejqarsinnaasut, taamaalillunilu piffissamut angalanermut atorneqartumut akunninnernllu tunngatillugu aningaasartuutit annertusinerannik nassaqarsinnaalluni.

Kiisalu ingerlatsiviup oqaatigaa aasaanerani nalunaaqutaq atorunnaarsinnejqassappat tamanna Europamut piffissat assigiinngissutaata ukiumut marloriarlugu allanngortinnejqartarnera eqqarsaatigalugu annikinnerusumik unammiligassaqartitsisinnaasoq, tamatuma peqatigisaanik Europami nunat allat nunarsuullu sinnerani nunat aasaanerani nalunaaquattamik atorunnaarsitsinngippata.

Paasissutissat pisortanut aningaasaqarnikkut allaffissornikkullu kingunerisassat pillugit nalinginnaasumik nassuiaatini immikkoortoq 3-mi ilanngunneqarpoq.

9. Air Greenland

9.1. Air Greenlandip kaammattutigaa Kalaallit Nunaanni nalunaaquttat ingerlaqatigiiffiat maanna atuuttoq allanngortissanngikkaa. Nalunaaquttat ingerlaqatigiiffiat allanngortinnejqarpat tamanna Air Greenladimut aningaasaqarnikkut inuussutissarsiornikkut kinguneqassaaq, taamaalillunilu aamma timmisartuussisarnikkut unammilleqatigiinnermi Air Greenladimut nukittorsaataasussamut kinguneqassalluni.

9.2. Air Greenland paasissutissiivoq nalunaaquttat ingerlaqatigiiffiannut UTC-2-mut allannguineq Air Greenlandimut aammalu Kalaallit Nunaannut Kalaallit Nunaannillu angalasunut pitsaalluinnartumik sunniuteqarsimasoq aammalu periarfissanut nutaarluinnarnut aammaassisimasoq.

Nalunaaquttat ingerlaqatigiiffiata allanngortinneqarnerani Kalaallit Nunaata nalunaaqutaa Europami nalunaaqutaanit nalunaaquttap akunnerinik pingasunik nikingalerpoq, tamannalu timmisartumi inuttat piffissamut qasuersaarfissaattut atuuttumut atatillugu piumasaqaatinut pingaaruteqarpoq. Tamatuma nassataraa timmisartut inuttallu Kalaallit Nunaanni unnuisinnaammata aqaguanilu aallaqqillutik, soorluttaaq tamanna inuttanik Kalaallit Nunaanneersunik atuinissamut, taamaalillunilu najukkami sulisussat sunissami amerleriartinneqarnissaannut periarfissaqlersitsisoq.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

9.3. Air Greenland nangilluni paasissutissiivoq ingerlatseqatigiiffik nalunaaquttat nerlaaqatigiiffiat UTC-2 maanna atuuttoq tunngavigalugu 2025-mi timmisartuussinissamik pilersaarummik nutaamik saqqummiussismalluni, tamatumani martsimit oktoberip nalaanut sapaaatip akunneranut sisamarluni Nuummit ullaakkut aallartoqarsinnaalluni ualikkullu Europamut tikittoqarluni, kingornagullu unnukkut timmisartorluni Kalaallit Nunaannut timmisartup inuttallu unnuiffigisassaannut angerlartoqarluni. Taamaaliornikkut Kalaallit Nunaannit Europamut tamarmut aallarfissat ulluinnarlugu angumerineqarsinnaapput, soorluttaaq Europamit tamarmit ulluinnarlugu Kalaalllit Nunaannukartoqarsinnaasoq. Siusinnerusukkut Københavnimi unnueqqaarnissaq pisariaqarsimavoq.

Timmisartuussinissamik pilersaarut taanna ullaakkut unnukkullu aallarfiusartup Kalaallit Nunaat allatorluinnaq aammaassiffigaa tikikkuminarsaataangaatsiarlunilu, taamaattumik siuariartortoqarnissaa naatsorsuutigineqarpoq aammalu takornariaqarnikkut, inuussutissarsiornikkut pisortatigullu periarfissanik nutaanik pilersitsissalluni.

Air Greenlandimit maluginiaqquneqarpoq 2025-mut timmisartuussinissamik pilersaarut saqqummiunneqareersoq billetsinillu tuniniaaneq aallartereernikuusoq. Timmisartuussinissamik pilersaarutit ukiup ataatsip missaanik siunissamut sioqqutsilluni saqqummiutereerneqartarneri timmisartuussisarnermi ileqquuvoq. Taamaattumik nalunaaquttap ingiaqatigiiffiata UTC-3-mut utertillugu allanngorteqqinnissaa Air Greenlandimut aningaasatigut kinguneqartussaavoq aammalu Kalaallit Nunaannit ullaakkut Europamiillu ualikkut aallartoqartarnerata ingerlatiinnarnissai periarfissaajunnaassallutik. Ilutigisaanillu Air Greenlandip inuttaminik Kalaallit Nunaanni najugaqarfegartitsisinnanera periarfissaajunnaassalluni, naak timmisartorsuaq Europami uninngasaraluartoq tassanilu teknikkitigut aserfallatsaaliorneqartartoq.

Tamanna tunngaviglaugu siunnersuutip ulloq atuutilerfissaata allanngortinneqarnissaanik isumalitigineqartut naluttuusorinarpit. Siunnersuutilli ataatsimiititaliamit suliarineqarnissaata utaqqimaarneqarnissaa naapertuunnerpaasoq siunnersuuteqartoq isumaqarpoq.

9.5. Nalunaaquttag ingiaqatigiiffianik allannguinermi Air Greenlandimut siunissami qaninnerusumi aningaasatigut kingunerisassai annertoorujussuussapput.

2025-mut timmisartuussinissamik pilersaarummik saqqummiussisoqareerpoq, tamannalu tunngavigalugu timmisartuussinissat qanoq amerlatigissanersut pillugu pituttorsimasunik isumaqatigiissusiooreerpoq billetsinillu tuniniaasoqalereeirluni. Timmisartuussinissamik pilersaarut taanna nalunaaqutaq UTC-3-mut allanngortinneqassappat periarfissaajunnaassaaq.

Taamaattumik nalunaaquttag ingerlaqatigiiffiannut UTC-3-mut allanngortinneqarnera Air Greenland naapertorlugu imatut kinguneqassaaq aningaasaatit millionilikkaat atorluarneqarsinnaajunnaassallutik, aammalu Air Greenlandip billetsit tuneriikkat tamarmik taamaatiinnartariaqalissallugit pisumullu aningaasat utertittariaqalissallugit, tamannalu amma millionilikkaanut arlalinnik kisitsisitalinnik naleqartussaassalluni, tassani apeqquaalluni nalunaaquttag ingerlqatigiiffiannik allannguisoqassappat ulloq atuutilerfissaa.

Siunnersuuteqartup oqaaseqaatai qualaani allassimasut innersuussutigineqarput, immikkoortoq 9.4.

9.6. Siunissaq ungasinnerusoq eqqarsaatigalugu aningaasatigut kingunerisinnaasai tassaapput siuariartorerup annikinnerunissaanik naatsorsuuteqarneq aammalu timmisartut inuttallu atorneqarsinnaanerinut periarfissat annikillineri ilutigalugit aningaasartuutissat annertunerulissapput taamaalillunilu timmisartuussinissaq killeqarnerulerluni.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

10. GrønlandsBANKEN

10.1. Nalunaaquttat ingiaqatigiiffianink toqqaanissamut atatillugu aningaaserivik tunngaviusumik eqaatsumik inisisimasoq GrønlandsBANKENimit oqaatigineqarpoq.

10.2. Taamaakkaluartoq immikkut ittumik pisoqarsimannngippat allannguinissamik pisariaqalersitsisumik inatsisip akuerineqareersup allanngorteqqinnissaanut GrønlandsBANKEN isumaqataanngilaq.

Nalunaaquttat ingerlaqatigiiffiannik allanngortitsinissaq eqqarsaatigalugu nalunaaquttat ingerlaqatigiiffiata massakkut atuutup (UTC-2) ajoqutissartai siunnersuummi allattorneqarsimasut uani nalunaaquttat ingerlatigiiffiata atuutilersinneqarnissaanut Inatsisartut akuersimmata ilisimasaqarfingeqanngissimanissaat aningaaserivimmit ilimagineqanngilaq. Taamaattorli aningaaserivimmit naqissuserneqarpoq nalunaaquttat ingerlaqatigiiffiata UTC-2-mut allanngorneqarnissaanut inatsisissatut siunnersuutip atuarneqarsimanera pillugu tusarniaanermut akissummik tunniussinermut attuumassuteqanngitsoq.

Inatsisitigut patajaatsuunissaq eqqarsaatigineqartariaqartoq siunnersuuteqartumit ilisimaneqarpoq. Tamanna inatsimmut atuutsinnejalersimasumi akornutinut paasineqarnikuusunut sanillersuunneqarsinnaavoq.

10.3. Tamatuma saniatigut nalunaaquattat ingerlatigiiffianni UTC-2-mi aamma pitsaaqutaasut inatsisissatut siunnersummut iluaquatasumik ersersinneqarsinnaapput:

Kalaallit Nunaanni aningaasanik nuussisarnerit annerpaartaat Europamut nuunneqartartut GrønlandsBANKEN-imit paasissutissiisutigineqarpoq, nalunaaquattallu ingiaqtigifiianik allannguinissamut siunnersuutaasup Europami aningaaseriviit matunnginnerini nunatsinni aningaaseriviit taamatut aningaasanut nuussisarnissaat akunnermik ataatsimik sivikinnerulersissagaa. Tamanna aamma Europami aningaasaateqarfiit niueqatigiittarfianni pappiliat nalillit atorlugit niueqatigiittarnermut atuuppoq.

Tamatuma saniatigut GrønlandsBANKEN suleqatigisartakkani Europamiut aqqutigalugit ikiorneqarnissamut neqeroorutnik arlalinnik peqarpoq. Inatsisissatut siunnersuut akuerineqassappat taamatut ikiorneqarnissamut periarfissaq akunnermik ataatsimik sivikinnerulissaaq.

Ilutigisaanillu suleqatigisartakkat europamiuusut peqatigalugit ataatsimiinnissat pikkorissaanissallu pilersaarusiornissaannut atatillugu nalunaaquattat ingerlatigiiffiat UTC -2 eqaannerusumik inisisimavoq. Amerlanertigut Europami qarasaasiatigut ilinniartitsineq nalunaaquataq 09.00 aallartittarpoq. Nalunaaquattap nikinganera sivitsussappat tamanna kalaallinit peqataasoqarnissaanut piffissatigut periarfissakitsitsinerulernissaanik kinguneqartussaavoq.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

10.4. UTC-3-mit UTC-2-mut nikittoqarnerani aningaasartuutaasut nassuiarneqarneranik inatsisissatut siunnersuutip oqaaseqaataani ilanngullugu suliaqartoqarnissa GrønlandsBANKEN-imit kaammattuutigineqarpoq, tassunga ilanngullugit assersuutigalugu pilersaarusiortarnernut allanullu aningaasartuutit, tassami UTC-3-mut uteqqittoqassappat aningaasartuutaasimasut assinginik pisortat namminersortullu suliffeqarfiutaat akiligassaneqqissammata.

Tusarniaanermi akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq. Taamaakkaluartoq nalunaaquattap aalajangersarneqarnera pillugu Inatsisartut inatsisaannut atuuttumut nassuaatit tunngavigalugit imaluunniit inatsisissatut siunnersummut matumunnga tusarniaarnermi akissutit tunngavigalugit aningaasartuutit pineqartut erseqqinnerusumik annertussusissaat missingerneqarsinnaasimannngilaq.

10.5. Misissuinerit arlallit aasaanerani nalunaaquattap akornutaaneranik takutitsisut tunngavigalugit aasaanerani nalunaaquattap allanngorneqartarnerata atorunnaarsinneqarnissaanut siunnersuuteqartoqarsimasoq GrønlandsBANKEN-imit maluginiarneqarpoq. Misissuinerik taakkua akerlianik takutitsisunik peqarnersoq pillugu aamma qulaajaasoqarnissaanut aningaaserivimmit siunnersuutigineqarpoq. Isiginnittariaaseq ataasiinnaq aallaavigalugu misissuinerit kisiisa toqqammavigalugit aalajangiisoqannginnissaq qulakteerniarlugu taamatut kaammattuuteqartoqarpoq.

Oqaaseqaatini nalinginnaasuni immikkoortoq 5-imi (avatangiisinut, pinngortitamut inuillu peqqissusaannut kingunerisassai) aasaanerani nalunaaquuttap allanngortarnerata atorunnaarsinnissaanut siunnersuutip kingunerisassai annikitsuinnarmilluunniit pitsaasuusinnaanerinik isumaqalernissamut tunngavissiippuit.

Nalunaaquttamik allannguineq peqqissutsimut artorsaateqalersitsisisinnaasoq ilisimatusarnikkut misissuinerit arlallit takutikkaat itisiliissutitut paasissutissiissutigineqarpoq, sunniutaasussallu taakkua sinnarlunnermut timip sungiusimasamik ingerlaasaanut allanngortitsisisinnaasut.

Ilutigisaanilli maluginiaqquneqarpoq aasaanerani nalunaaquuttap aaqqissorneranut atatillugu pitsaanngitsumik kingunerisinnaasaatut misissuinerit tamarmik assigiinngimmata, misissuinerillu ilai assortugassaanatik.

Inatsimmut nassuaatinut atuuttunut sinaakkutit iluanni siunnersuuteqartoq ima isumaqarpoq, tamassuma iluani ilisimatusarnermit ilisimasat tunniunneqarsimasut allanngornagit oqimaaqatigiissaakkamik tunniussisimalluni.

11. Tusass

11.1. Tusass paasissutissiivoq ingerlatseqatigiiffiup - eqqarsaatigilluareerlugu – nalunaaquuttat ingerlaqatigiiffiata UTC-3-mut allanngortinneqarnissaa imaluunniit Kalaallit Nunaanni aasaanerani nalunaaquuttap allanngortinneqartarunnaarnissaa tapersersungikkai.

11.2. Tusassimit oqaatigineqarpoq nalunaaquuttat ingerlaqatigiiffiat UTC-3-mut allanngortinneqassappat Danmark nunallu skandinaviamiittut europamiittullu allat nalunaaquutaasa nikinganerat massakkutut akunnerit pingasuujunnaarlutik akunnerit sisamanngoqqissasut. Tusassip nalilerpaa tamanna nunat immikkoortut marluk akornanni suliassanik, ataatsimiinnissanik attaveqaatigiinnissanillu aaqqissuussiniarnermut ajornarnerulersitsissasoq, taamaattumillu Tusassimut pitsaanngitsunik kinguneqassalluni.

Tassunga atatillugu Tusassimit paasissutissiissutigineqarpoq Tusass'ip suleqatigisartagai amerlasoorpassuit Danmarkimiillutillu Europamiittut, aammalu taakku suleqatigisarnerat ullumikkut pitsaannerulersimasoq Tusass'imit malugineqartoq, tassami suleqatigiinnissamut ulluinnarni akunnermk ataaatsimik sivisunerusumik suleqatigiit taakkua periarfissaqalernikuupput. Taanna akunneq ataaseq ilassutaanikuusoq suliffeqarfip iluani sullarissutsimut ilaqtigullu danskit suleqatigisartakkut suleqatiginissaannut pinngitsoorneqarsinnaanngitsumut pitsaannerulersitsilluni qaffassaataasimavoq. Nalunaaquuttap nikinganeri sivitsorneqassappata sullarissuseq taanna innarlerneqassaaq unammilligassanillu allanik pilersitseqqissalluni.

Tusarniaanermi akissut siunnersuutip kingunerisassaasa nalinginnaasumik nassuaatinii nassuaatigineqarnerisa annertusinerannik nassataqarpoq.

11.3. Aasaanerani nalunaaquuttap allanngortarnerata atorunnaarsinneqarneratigut Tusass'imat pitsaanngitsunik kinguneqassasoq Tusass'imit nalilerneqarpoq, ingammik Danmark nunallu skandinaviamiusuusut europamiusuusullu peqatigalugit ataqtigiiqagaanngippat. Aasaanerani

nalunaaquttag allanngortarnera atorunnaartinneqassappat aatsaat tamanna pissasoq Danmarkimi aammalu Skandinaviap sinnerani aamma atorunnaarsitsissappata Tusass'imit inassuteqaatigineqarpoq.

Tassunga atatillugu Kalaallit Nunaanni Danmarkimilu nalunaaquttag malitassai assigiinngitsuussappata piffissamik aqutsiniarnermut ingerlatseqatigiiffiullu suliffeqarfii ni pilersaarusiorniarnermut ajornarnerulersitsissasoq Tusass'imit oqaatiginiarneqarpoq. Nunat immikkoortut taakku marluk akornanni nalunaaquttat ingerlaqatigiiffiata kiisalu aasaanerani/ukiunnerani nalunaaquttat allanngortarneri assigiinngitsut Tusass'ip nunat tamalaat akornanni suliaqarniarneranut suleqateqarneranullu paatsuunganermik naammassinnissinnaannginnermillu pilersitsisinnaapput. Pisariaqanngitsumik ajornakusuulersitsineq aamma Tusass'ip suliniutinik ulluinnarnilu suliassanik ataqatigiissaariniarneranut kingursaataassaaq.

Tusarniaanermut akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

12. Modulo ApS

12. 1. Nalunaaquttag ingiaqatigiiffia UTC-2 massakkut atuuttoq iluarnerusutut Modulo ApS-imit isigineqarpoq, suliffeqarfiiup Europami suleqatigisartagaanut pingaernerpaanut piffissatigut pitsaanerummat tamannalu attaveqaqatigiinnermik suleqatigiinnermillu pitsaanerulersitsimmat.

12.2. Nalunaaquttag ingiaqatigiiffianik allannguutip atuutilersinneqarnerata atortorissaarutit piffissamik aqutsinermik ingerlatsisartut tulluarsartariaqalernissaat eqqarsaatigalugu annertuumik unammillernartoqassasoq Modulo ApS tikkuussivoq.

Tusarniaanermut akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

12.3. IT-mut tunngasunik suliffeqarfik Modulo ApS assingusumik oqaaseqarpoq, aasaanerani nalunaaquttag allanngortinneqartarnera atorunnaarpat tamanna pisariaqanngitsumik paatsuungalersitsisinnaasoq nunallu tamalaat akornanni attaveqaqatigiinniarnermut ajornarnerulersitsisinnaasoq, taamaattoqassappallu tamanna innuttaasunut suliffeqarfinnullu nalunaaquttat ingerlaqatigiiffiini allaneersuni qanimut suleqateqartartunut sunniuteqassasoq.

Aatsaat Danmark/EU aasaanerani nalunaaquttag allanngortinneqartarnera atorunnaarsereerpassuk Kalaallit Nunaanni aasaanerani nalunaaquttag allanngortinneqartarnerata atorunnaarsinneqarnissaa isumaqlissaaq.

Tusarniaanermut akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

12.4. Taamaattumik patajaassuseq qulakkeerniarlugu Modulo ApS kaammattuuteqarpoq nalunaaquttat ingerlaqatigiiffiat massakkut atuuttoq aasaaneranilu nalunaaquttag nikittarnera taamaaginnassasoq taamaaliornikkullu suleqatigut europamiusut angusaqarfialluartumik suleqatigiinnarsinnaallugit.

13. Sulisitsisut

13.1. Nalunaaquttat ingerlaqtigiiffiata nutaap UTC-2-mut allanngortinneqarnera pillugu suliffeqarfik pitsaasunik utertitsiffigineqartarsimasoq Sulisitsisut paasissutissiissutigaat, tassani Kalaallit Nunaata aamma Europa/Danmarkillu akornanni suleqatigisartakkat, pisiorfissanut isumaqatigiissutit allallu eqqarsaatigalugit akunnermi ataatsimi ”allaffeqatigiinnerusinnaalernertik” iluarismaarneqarluni.

Suliffeqarfik ilaasortami akornanni ”allaffiuup iluani misissueqqissaarnermik” ingerlatsinikuuvooq. Apersorneqartut 76 %-init amerlanerulaartut UTC-2-miiginnarnissartik ornigineraat, tassani Danmarkimut/Europamut nikingassutaasoq akunnerit pingasuinnaallutik. Tassani niuernissamut tunngatillugu aammalu Danmarkimi Europamilu suleqatigisartakkat eqqarsaatigalugit ajornannginnerunera tunngaviusuni pingaarnersaapput. Tamatuma saniatigut oqaatigineqarpoq UTC-2-mut allanngorluni nuunneq suliffeqarfinnut IT-lerisartunut annertuumik aningaasartuuteqarfiusimasoq, taamaattumillu UTC-3-mut uteqqinniaraanni aamma taama annertutigisumik aningaasartuuteqarfioqqissasoq. Ersersinneqarportaaq UTC-3-mut uteqqinniarnermi teknikkikkut unammillernartoqarsinnaasoq, ingammik siunnersuutigineqartutuut aasaanerani nalunaaquttag allanngortinneqartarnera atorunnaarsiutigalugu ataatsikkut pissappat.

Sulisitsisuni apersorneqartut 14 %-ii sinnilaarlugit soqutiginngilaat nalunaaquttat ingerlaqtigiiffiat UTC -2 imaluunniit UTC -3 atorneqaraluarpat, taamaallaallu 9,5 %-iisa UTC-3-mut uteqqinnissartik kissaatigalugu.

Tusarniaanermut akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

13.2. Sinaakkutit inatsisillu allanngorartut nunatsinni inuussutissarsiornerup ineriartornissaanut – suliffeqarfiiut pioreersut aningaasaleerusussinnaasullu nutaat eqqarsaatigalugit - naleqqutinngilluinnartut Sulisitsisunit oqaatigineqarpoq. Tassunga atatillugu kattuffimmit oqaatigineqarpoq, UTC-2-mut ikaarsaarniarneq qaammatit arfiniliunngitsulluunniit matuma siorna naammassineqartoq ajornartorsiuteqanngitsumik ingerlasimanngitsoq. Maanna nalunaaquttat ingerlatigiiffiat nutaaq inuussutissarsiorertunit sungiunneqareerpoq taamaattumillu nalunaaquttat ingerlaqtigiiffikuannut uteqqissagaanni inuussutissarsiornermi pilersaarusiorniarnissamut annertuumik akorngutissartaqtussaalluni. Silaannakkut angallanneq immikkut ittumik Sulisitsisunit erseqqissaavigineqarpoq, tassani nalunaaquttat ingerlaqtigiiffiannik allanngueqqittooqassappat aningaasartuuteqarfiusaasooq – kisiannili aamma takornariaqarnermut inuussutissarsiornermullu iluaqutaasussamik Kalaallit Nunaata tikikkuminarsarneqarnissaanut siunissami aningaasaliisussat eqqarsaatigalugit kinguneqartussaalluni.

13.3. Kalaallit Nunaanni nalunaaquttat ingerlaqtigiiffiat siunnersuutigineqartutut UTC-3-mut allanngorneqarpat kiisalu aasaanerani nalunaaquttag allanngortarnera atorunnaarsinneqarpat taamaalilluni piffit ilaanni Europamut/Danmarkimut nalunaaqutaq akunnernik tallimanik nikingasalerpat, tamanna Europami aamma Danmarkimi niueqatigiiffiillu suleqatigiinnitsinnut toqqaannartumik akornutaasinnaasoq Sulisitsisunit nalilerneqarpoq. EU-mi aasaanerani nalunaaquttag allanngortinneqartarnera

atorunnaarsinneqarpat/atorunnaarsinneqassappat aatsaat nunatsinni aasaanerani nalunaaquattap allanngortinnejartarnerata atorunnaarsinneqarnissaa pissasoq Sulisitsisut isumaqarput, soorlu UPA2019/55 suliarineqarnerani piumasarineqarnikuusooq.

Tusarniaanermut akissut siunnersuutip kingunerisassaasa nalinginnaasumik nassuaatini nassuaatigineqarnerisa annertusinerannik nassataqarpoq.

13.4. Siunnersuutip saqqummiunneqannginnerani innuttaasut kissaataat pillugit aammalu nalunaaquattat ingerlaqtigifiannut UTC-3-mut allanngussagaluarpat aasaaneranilu nalunaaquattap allanngortarnera taamaalluni atorunnaarsinneqassagaluarpat, tassani nunatsinni niueqatigifiit suleqatigilli pingarnerit suli aasaanerani ukiuuneranilu nalunaaquattap allanngortarneranik malinnittunut, suut kingunerisinnaanerai pillugit misissuisoqarnissaanik neqeroortoqassasoq Sulisitsisunit innersuussutigineqarpoq.

Tassunga atatillugu inuit 2.700 missaanniittut nalunaaquattat ingerlaqtigifiannut UTC-3-mut allannguisoqarnissaanik kissaateqarsimasut siunnersuummi naapertorniarneqartut, siunnersuutip oqaaseqaataani allaqqasoq Sulisitsisut innersuussutigaat. Kalaallit Nunaanni inuit 57.000 missarluinnaat najugaqartut eqqarsaatigissagaanni taava inuit 2.700 missaanniittut kissaateqarnerat malillugu Inatsisartut inatsisaannik, nunatsinni inuussutissarsiornikkut annertuumik kinguneqarsinnaasumik saqqummiinissamut tunngavissatut annikippallaartutut Sulisitsisunit isigineqarpoq.

Ilutigisaanik aaqqissuussaq nutaaq, tassani nalunaaquattat ingerlaqtigifiat UTC-2 Kalaallit Nunaannit malinnejartoq, pillugu nalilersuisoqassasoq Naalakkersuisut Siulittaasuat tusarniaanissaq qaammammik ataatsimik sioqqullugu nalunaarsimasoq Sulisitsisunit innersuussutigineqarpoq. Taamatut nalilersuisoqarnissaanik saqqummiussisoqarsimarpasinnanilu suliamik aallartitsisoqarsimarpasinngilaq.

Inatsisip siumut utimullu allanngorteqattaarnissaa nunatsinni innuttaasunut, inuussutissarsiornermut ineriartornermullu annertuumik kinguneqartussaasoq Sulisitsisunit oqaatigineqarpoq, taamaattumillu inatsisisap saqqummiunneqannginnerani uppernarsarsinnaasumik misissuisoqarnissaanik neqeroortoqartariaqartoq.

Siunnersuuteqartup Aningaasaqarnermut Akileraartarnermullu Naalakkersuisoqarfíup tusarniaanermut akissutaanut oqaaseqaatai innersuussutigineqarput, immikkoortoq 1.2 aamma 1.5.

14. Peqqinnissaq Pillugu Kattuffiit (PPK) – Det Grønlandske Sundhedskartel

14.1. Peqqinnissaq Pillugu Kattuffiit (PPK) tusarniaanermut akissutimini paasissutissiissutigaa nalunaaquattat ingerlaqtigifiat atuuttoq malillugu Danmarkimi kalaallit peqqissartut angerlarsimaffiata aammalu napparsimavit Danmarkimiittut suleqatigineqartartut ataatsimoorussamik suleqatigisarnerini piffissaq akunnermik ataatsimik PKK-mi ilaasortanut sivilsunerulersitsisimasoq. Ilutigisaanik aaqqissuussap massakkut atuuttup naalagaaffimmi suliatigut avitseqatigiiressinnaanermik ilaasortat annertunerusumik periarfissaqalersippai, kiisalu Danmarkimi peqqinnissaqarfimmut attaveqaqateqarnissaq ajornannginnerulersillugu, tamannalu peqqutaalluni nakorsiat ilaannut utaqqineq sivikinnerulersimalluni.

Paasissutissat pisortanut aningaasaqarnikkut allaffissornikkullu kingunerisassat pillugit nalinginnaasumik nassuiaatini immikkoortoq 3-mi ilanngunneqarpoq.

14.2. Innuttaasut arlallit nalunaaquttat ingerlaqtigiiffia nutaaq ajornartorsiuteqarfigisimagaat siunnersummi oqaaseqaatini allassimasoq PPK'mit maluginiarneqarpoq, ilutigisaanillu 2024-mi upernaakkut sapaatip akunneri marluk ingerlanerini atsiornernik katersuisitsisoqarsimanera innersuussutigalugu, tassani inuit 2.700 missaanniittut nalunaaquttat ingerlaqtigiiffiannut UTC-3-mut uteqqittoqarnissaanut tapersiisimallutik. Ersarinnerusumik nassuiarneqanngilaq qanoq innuttaasut arlallit nalunaaquttat ingerlaqtigiiffiat nutaaq ajornartorsiuteqarfigisimagaat.

Siunnersuut matuman i pineqartoq allannguerujussuartussatut PPK'mit paasineqarpoq, tamannalu innuttaasut amerlavallaanngitsut akornanni atsiornernik katersuisitsisimaneq tunngavigalugu kissaatigineqartoq.

Siunnersuuteqartup Aningaasaqarnermut Akileraartarnermullu Naalakkersuisoqarfíup tusarniaanermut akissutaanut oqaaseqaatai innersuussutigineqarput, immikkoortoq 1.2.

14.3. Qulaani allassimasut tunngavigalugit Inatsisartut inatsisaata allanngorneqarnissaatut siunnersuutaasoq PPK'mit akerlerineqarpoq.
Innultaasut nalunaaquttat ingerlaqtigiiffii siumut utimullu uteqattaartinneqannginniassammata nalunaaquttat ingerlaqtigiiffiannut UTC-2-mut allannguisoqarnikuunera pillugu Naalakkersuisut sukumiisumik nalilersuisariaqartut PPK'mit kaammattuutigineqarpoq. Tamatuma saniatigut soorlu oqaaseqaatini imm. 2-mi eqaaneqartoq, UTC-3-mut allannguisoqassappat EU-mi aasaanerani nalunaaquttap allanngorneqarnissaanut naatsorsuutigineqartut ilutigisaanik ataqatigiissaarisoqassasoq PPK'mit kaammattuutigineqarpoq.

Siunnersuuteqartup Aningaasaqarnermut Akileraartarnermullu Naalakkersuisoqarfíup tusarniaanermut akissutaanut oqaaseqaatai innersuussutigineqarput, immikkoortoq 1.5.

15. Andu Schiødt Pilalak (innuttaasoq)

Nalunaaquttat ingerlaqtigiiffiannut UTC-2-mut allannguineq inuunerminut sunniuteqarnerlussimasoq Andu Schiødt Pilalak oqalutturopoq, tassami nalunaaquttat ingerlaqtigiiffiat nutaaq ima isumaqarsimavoq ullormut ingerlaasini allanngortoq maannakkullu sininniarnikkut annertuumik ajornartorsiuteqarluni. Nalunaaquttat ingiaqtigiiffiannut UTC-3-mut uteqqittoqarnissaanut siunnersuut tapersersorpaa.

Aasaanerani nalunaaquttap allanngortinneqartarnera pillugu aaqqissuussaq taamaaginnassappat ajoriffissaqartinngilaa.

16. Birthe Josvassen (innuttaasoq)

Aasaanerani nalunaaquttap allanngortinneqartarnera atorunnaarsinneqarnissaa Birthe Josvassenimit tapersersorneqarpoq.

17. Hans-Kristian Petrusen (innuttaasoq)

Hans-Kristian Petrusenip inatsisissatut siunnersuut tapersorsorpaa.

Taanna oqaluttuarpoq Sisimiuni isikkivigissumi najugaqarluni, kisiannili seqineq tarrikkaangat aatsaat saaguersinnaasarluni illup iluata kissarujussuartarnera peqqutigalugu; 28 grader tikillugu kissattarmat.

Misigivoq seqernup kissarnerata sininniarneq ajornarsisittaraa. Illup ilua nillataarnerulerniassammat ilaqtanilu seqineq tarrisseeqqaartarpas taamaammallu aasaq manna sinnakinnerusarlutik, ullaakkut makinniarneq suliartorniarnerlu nukissaasuaffigisarlugu.

Hans-Kristian Petrusenip ilanngullugu eqqaavaa Avannaani seqernup kaaviinnarfia aasaaneralu misilittagaqarfigalugit, kisianni tappavani kissarnera allanngujaannerusartoq taamaattumillu atoruminarnerusarluni, Sisimiuni seqineq tarrittarpoq nillertillunilu ullaakkullu kissatseqqittarluni. Misigivoq tamanna timimut allatut sunniuteqartartoq.

18. Hennie Nielsen Lange (innuttaasoq)

Hennie Nielsen Langep nalunaaquttat ingerlaqatigiiffiannut UTC-3-mut uteqqittoqarnissaanut siunnersuut tapersorsorpaa.

19. Bikki Kleist Jepsen (innuttaasoq)

Bikki Kleist Jepsen isumaqarpoq nalunaaquttat ingerlaaqtigijiifflannut maanna atuuttumut ikaarsaariarnermi takornariat timmisartullu siusinnerusukkut tikittalernissaat eqqarsaatigineqarsimasut, tamatumanili aalisartut piniartullu inuiaqtigilli sinneri tusarniarneqarsimangitsut. Nalunaaquttat allannguiteqartinneqarnera innuttaasunut ullaakkut unnukkullu annertuumik (pitsaanngitsumik) sunniuteqartoq maluginiarpa.

20. Klara Rosing (innuttaasoq)

Aasaanerani nalunaaquttamik aaqqissuussinerup atorunnaarsinneqarnissaa Klara Rosingimit tapersorsorneqarpoq. Aasaanerani nalunaaquttamit ukiuunerani nalunaaquttamut ikaaraariartarnerit namminiinnanngitsqoq ingerlariaatsiminut, aammali allarpasuit ulloq unnuarlu ingerlariaasiannut akornusiisartut misigisimavoq. Ilaqutariit ukiukitsortallit utoqqaallu aasaanerani nalunaaquttamit ukiuunerani nalunaaquttamut ikaarsaariartoqarnerani ulluinnarni inuunertik allanngortittarmassuk eqqarsaatigineqassoq kaammattuutigaa.

21. Susanne Høegh (innuttaasoq)

Susanne Høeghip maluginiarpa, nalunaaquttat ingerlaqatigiiffiata allanngortinnneqarnerata kingorna unnukkut qaamanerusrarlernerar malunnartorujussuusoq. Nalunaaquttat ingerlaqatigiiffiannut UTC-3-mut uteqqinnissamik siunnersuut tapersorsorpaa.

22. Tuperna Heinrich (innuttaasoq)

Tuperna Heinrichip kaammattuutigaa nalunaaquttat ingerlaqatigiiffiannut UTC-3-mut uteqqittoqassasoq.

23. Ulla Lynge Heilmann (innuttaasoq)

Ulla Lynge Heilmann isumaqarpoq nalunaaquattamik allanngueqqissanngitsugut. Nalunaaquattat ingerlaqatigiiffiat nutaaq maanna atuuttoq imminerminut ilaquttaminullu iluaqutaaginnarsimavoq. Aappariit meeqqatillu ualikkut pinngortitamiinnerminni sisorarlutik, qamuteralallutik, angallammik angalaarlutik cykelerlutik nuannarisarsimavaat.